

四庫全書

史部

欽定四庫全書

戰國策卷二

宋 鮑彪 注

東周

漢志河南鞏東周君所居

惠公

周紀考王封其弟河南是為桓公桓公子威公威公子惠公惠公封其子於鞏號東

周惠公然則河南鞏父子同謚也又紀西周武王赧王則謚也蓋以避秦不敢稱尊楚記項襄十八年王赧使武公此武公赧王臣也而徐注以為惠公之子踈矣惠公之子自為東周君豈為西周用耶然兩周西先亡至莊襄元年俱滅

秦興師臨周而求九鼎周君患之以告顏率周人顏率曰

大王勿憂臣請東借救於齊顏率至齊謂齊王閔曰

夫秦之為無道也欲興兵臨周而求九鼎周之君臣

內自盡盡其心思計與秦計猶不若歸之大國謂齊夫存危

國周有秦兵危也美名也得九鼎厚寶也厚猶重願大王圖之

齊王大發師五萬人使陳臣思即後田臣思凡陳田皆齊公族將以

救周而秦兵罷齊將求九鼎周君又患之顏率曰大

王勿憂臣請東解之東之齊解免之顏率至齊謂齊王曰周

賴大國之義得君臣父子相保也願獻九鼎不識大

國何涂之從

問其路所從出禮遂  
上有徑泗上有涂

而致之齊齊王曰

寡人將寄徑於梁

徑步道也  
猶言假涂

顏率曰不可夫梁之君

臣欲得九鼎謀之暉臺之下

臺名曰暉故孟子  
稱梁有臺池之樂

沙元

少海之上

九域圖開封  
有沙海引此

其日久矣鼎入梁必不出齊

王曰寡人將寄徑於楚

楚非適齊之途既不可入梁  
亦無從至楚其云然不可曉

也對曰不可楚之君臣欲得九鼎謀之於葉庭之中

即南陽  
葉也

其日久矣若入楚鼎必不出王曰寡人終何

涂之從而致之齊顏率曰敝邑固竊為王患之夫鼎

者非效壺醢醬瓿耳

壺昆吾圓器瓿甌也

可懷挾提挈以至齊

者非效鳥集烏飛兔興馬逝

並喻其輕疾

灑然止於齊者

集韻灑滲流貌

昔周之伐殷得九鼎凡一鼎而九萬人輓之

輓引也

九九八十一萬人士卒師徒

士一人也二千五百人為師徒步行

者械器被具

械器之總名被具士卒所服用之具

所以備者稱此

備人之所

應用使稱足此八十一萬人

今大王縱有其人何涂之從而出竊

為大王私憂之齊王曰子之數來猶無與耳

言許之而實不

與也 顏率曰不敢欺大國疾定所從出敝邑遷鼎以待

命齊王乃止

秦攻宜陽

韓邑屬弘農秦武三年攻宜陽赧之七年也

周君謂周累曰子以

為如何對曰宜陽必拔也君曰宜陽城方八里材士

十萬

士之有材武者

粟支數年公仲之軍二十萬景翠

楚將以

楚之衆臨山而救之

楚與韓隣而與秦相圖故救之

秦必無功對曰

甘茂

下蔡人仕秦

羈旅也

集韻羈旅寓也

攻宜陽而有功則周公

旦也

言且相秦

無功則削迹於秦

言不得留

秦王不聽羣臣父

兄之議而攻宜陽宜陽不拔秦王恥之臣故曰拔君

曰子為寡人謀且奈何對曰君謂景翠曰公爵為執

珪官為柱國

楚卿

戰而勝則無加焉矣不勝則死不如

背秦援宜陽

翠時蓋援宜陽而有秦相故說之云

公進兵秦恐公之乘

其敝也

乘謂因而攻之

必以寶事公公仲慕公之為己乘秦

也亦必盡其寶秦拔宜陽景翠果進兵秦懼遽効釐

棗

屬濟陰宛句

韓氏果亦効重寶景翠得城於秦受寶於

韓而德東周

德恩之也

東周與西周戰韓救西周為東周謂韓王襄曰西周者

故天子之國也多名器重寶按兵而勿出按下與舉兵反可

以德東周西周之寶可盡矣

欲韓出兵故賂之紀八年有

東周與西周爭西周欲和於楚韓

和二國以為已援

齊明

疑楚人兩

見楚策

謂東周君曰臣恐西周之與楚韓寶令之為己

求地於東周也不如謂楚韓曰西周之欲入寶持二

端

言東兵急則入不急則已

今東周之兵不急西周之寶不

入楚韓楚韓欲得寶則且趣我攻西周

趣疾也督使疾戰我謂東



周  
西周寶出是我為楚韓取寶以德之也

言有思於楚韓

西

周弱矣

東周欲為稻

為謂種之

西周不下水

稻宜濕西周居河之上流

東周患之

蘇子

非代則厲

謂東周君曰臣請使西周下水可乎乃往

見西周之君曰君之謀過矣今不下水所以富東周

也今其民皆種麥

麥宜燥也

無他種矣君若欲害之不若

一為下水以病其所種下水東周必復種稻種稻而

復奪之若是則東周之民可令一仰西周

有望於上則仰

而

受命於君矣西周君曰善遂下水蘇子亦得兩國之

金也

彪謂此策不可行東西周壤地相接豈不能候其所種蘇子東人也為東游說西豈得不疑且

今下水安能保其不奪雖一為下何補哉

昭獻在陽翟

屬潁川

周君將令相國往

往與獻會

相國將不欲

蘇厲為之謂周君曰楚王與魏王遇也主君令陳封

之楚

此言疇昔之事陳向許皆仕周而位在相下

令向公之魏楚韓之遇

也

亦其王過

主君令許公之楚令向公之韓今昭獻非人

主也而主君令相國往若其王在陽翟主君將令誰

往

言必君自往

周君曰善乃止其行

秦假道於周以伐韓周恐假之而惡於韓不假而惡於

秦史廩

韓史疑即廩

謂周君曰君何不令人謂韓公叔

韓公

族

曰秦敢絕塞

絕橫渡塞障也為垣壘以遮止鄰國往來

而伐韓者信東

周也公何不與周地發重使

使周發使

使之楚秦必疑

楚秦

相圖之國也周使使楚故秦疑其圖已

不信周是韓不伐也

不受秦伐

又謂

秦王

武

曰韓強與周地將以疑周於秦寡人不敢弗

受秦必無辭而令周弗受是得地於韓而聽於秦也

紀八年有虜謂十有國之士設心措辭無不出於詐若此者君子之所恕也下章次之

楚攻雍氏

此亦赧之十五年也

周赧秦韓

赧食米也時秦救韓周以米餉之

楚王

懷怒周周之君患之為周謂楚王曰以王之強而怒

周周恐必以國合於所與粟之國則是勁王之敵也

勁強也

故王不如速解周恐

周以楚怒之故恐

彼前得罪而後

得解必厚事王矣

蘇厲為周最謂蘇子

元作秦

曰君不如令王

君稱蘇子王周君也此時

與赧俱王其稱公後避秦也

聽最以地合於魏趙

地周地

故必怒

稱故

者特為之怒  
蘇子怒最

合於齊

怒最而及  
其所合

是君以合齊與強楚

吏產子

時齊與楚善合齊則得與楚為與國  
可至再世產子言易世也與黨與也

君若欲

因最之事

與最同合魏趙此厲本謀也  
前皆游辭耳故為為周最

則合齊者君

也割地者最也

謂周最曰仇赫之相宋將以觀秦之應趙宋

絕句

敗三國

韓魏齊也魏紀哀二十一年與韓齊敗秦函  
谷蓋此時秦欲敗之反為所敗也報十八年

三國不

敗將與趙宋合於東方

即三國

以孤秦亦將觀韓魏之

於齊也不固則將與宋敗三國

此應秦也

則賣宋於三國

此應三國也。以國情輸之曰賣言。赫不忠於宋，不應秦則應三國。以此知赫本非宋人。公何不

令人謂韓魏之王

韓襄魏哀

曰欲秦趙之相賣乎

此賣猶欺

何

不合周最兼相

使韓魏皆相之

視之不可離

視示字二國同相最可見其交

之則秦趙必相賣以合於王也

為周最謂魏王

哀

曰秦知趙之難與齊戰也

難言其不利將

恐齊趙之合也必陰勁之

助趙以兵使之強

趙不敢戰

難先戰

恐秦不已收也

達其勁之意

先合於齊秦趙爭齊

齊固秦所欲合

故其勁趙謂之陰勁

而王無人焉

無主其事於齊者

不可王不去周最

最時在魏欲之齊故此士為之言使得去合與收齊與即謂齊齊魏之與國而以兵

急之

元作之急急之以兵則非合矣

則伐齊無因事矣

言秦見齊有魏兵必伐之

有此有彼曰因猶言無他事矣齊敗魏馬陵宜為魏讐因此言合與蓋其國形宜相依也

謂周最曰魏王

哀

以國與先生

以德蓋尊稱之也與謂相之

貴合於

秦以伐齊

貴猶欲

薛公

田文故主齊閔王也最嘗仕齊故稱之

輕忘其

薛不顧其先君之丘墓

謂齊王田文欲去國以避秦兵

而公獨修虛

信

最本善齊固不肯齊然今相魏魏有以秦伐齊之形猶為虛信信謂親之

為茂行

茂盛美也

明羣臣

明猶示也臣魏臣

據故主

據仗持也猶言為之此言最在魏示朝臣以為齊王

不欺之此  
所謂茂行

不與伐齊

與去音

產以忿強秦

產猶生也魏  
欲伐齊已獨

不與猶生此節目也  
遺秦不伐齊故秦忿

不可公不如謂魏王薛公曰請

為王入齊天下不能傷齊

最之智畧  
足以全齊

而有變

萬一有  
傷齊者

臣請為救之

此則非  
虛信矣

無變王遂伐之

伐秦

且臣為齊奴

也

為去音言其為  
之如奴事主

如累王之交於天下

累者事相連  
及猶誤也交

謂齊

不可

此言非  
人之情王為臣賜厚矣臣入齊則王亦無

齊之累也

此累  
猶患

趙取周之祭地周君患之告於鄭朝

凡鄭皆  
鄭人

鄭朝曰君



勿患也臣請以三十金一斤為復取之周君子之鄭

朝獻之趙太卜因告以祭地事及王病使卜之太卜

譴之曰譴謫問也周之祭地為崇神禍也趙乃還之

杜赫周人欲重景翠於周謂周君曰君之國小盡君之重

寶珠玉以事諸侯不可不察也國小必賂以求援不可勝賂故宜察譬

之如張羅者張之於無鳥之所則終日無所得矣張

於多鳥處則又駭鳥矣多鳥處有觸羅者傍鳥必覺覺則羣驚而去矣必張

於有鳥無鳥之際然後能多得鳥矣今君將施於大

人大人輕君施於小人小人無可以求又費財焉

均之

費財而小人多則多費也

君必施於今之窮士不必且為大人者

不必猶不可知也言不終窮或且為大人者此指翠也

故能得欲矣

齊策楚策皆有杜赫

在齊則威王時於周顯王時也自顯威至是八十年矣疑赫字誤景翠實此時人

三國隘秦

報十八年注具前隘謂隔絕之

周令其相之秦以秦之輕也

見其隘於三國

留其行

不進

有人謂相國曰秦之輕重未可知

也秦欲知三國之情公不如遂見秦王

昭

曰請為

一作

謂王聽東方之處

聽偵候之東三國也處其所為

秦必重公是公重

周

下衍重周二字

以取秦也

秦重相則周重矣

齊重故有周

齊重天下重之

也故猶舊也

而已取齊

此時秦齊為天下重已善秦不可忽齊故又勸之取齊

是周常不失重國之交也

宮

元作昌下同此書作宮不一

他亡西周

以罪去國曰亡

之東周盡輸西周

之情於東周

輸言委以告之

東周大喜西周大怒馮睢

元作且睢

之省也猶趙作肖齊作立故後唐且史作睢裴駟亦曰唐睢以華顛悟秦也此西人下同

曰臣能

殺之君子金三十斤馮睢使人操金與書間遺宮他

為反間書以遺之

曰告宮他事可成勉成之不可成亟亡來

亡來

也亟急

事久且泄自令身死

事泄露則死而不  
亟來自取之也

因

使人告東周之候

偵候之吏揚雄  
曰西北一候

曰今夕有姦人當

入者矣候得而獻東周

得其人  
與書

東周立殺宮他

昭翦與東周惡或謂昭翦曰為公畫陰計

為人謀者  
畫之以籌

昭

翦曰何也曰

補此  
字

西周甚憎東周常

元作  
嘗

欲東周與

楚惡西周必令賊賊公因宣言東周也

集韻宣  
揚也

以惡

元作西  
周二字

之於王也

王楚  
懷也

昭翦曰善吾又恐東周之賊

己此翦  
自計而以輕西周惡之於楚

翦惡東必善西西善  
翦則楚亦因重西矣

東欲壞其交故賊翦翦死則西君臣惟貪遽和東周彪謂周衰

無內主於楚東因得使楚惡之利而畏禍故一切趨避變亂於游談之口而無

有持操翦之慮死如此其能復固其所守乎

周最謂呂禮凡呂皆齊人禮以秦昭十三年奔魏十九年復歸秦其相齊在薛公歸薛後見孟嘗

傳蓋報二十一年後也

曰子何不以秦攻齊臣請令齊相子

秦攻

齊禮使之也齊欲免攻故可使之相禮

子以齊事秦必無慮

元作處

矣子

因令

下行周字

最居魏以共之

與齊俱事秦

是天下制於子也

子東重於齊西貴於秦秦齊合則子常重矣

謂薛公

田文

曰周最於齊王厚也

閔王

而逐之聽祝弗

齊人

相

呂禮者欲取秦也秦

補此二字

齊合

上章所謂以齊事秦

弗與禮重

矣

與猶如也言二國合則齊所重無如禮者

有

下衍周字

齊

秦有之

秦必輕君君

弗如急北兵趨趙

亦與趙攻秦

以秦魏

能左右之曰使

收周

最以為後行

齊初遂最欲取秦合也今攻秦收最用之可圖後舉行猶舉

且反齊

王之信

齊前與秦合今與趙攻之信反也

又禁天下之率

率猶從也謂從齊

齊無秦天下果弗必走

果猶決也走去音趨之也言不趨齊

齊王誰與

為其國

舍必重文孟嘗傳有

齊聽祝弗外周最謂齊王

閔

曰逐周最聽祝弗相呂禮

者欲深取秦也秦得天下則伐齊深矣

秦得齊則益強故能得天

下得天下則亦不能存齊

夫秦

補

齊合則趙恐伐

秦伐之

故急兵以

示秦

趙兵攻齊

秦以趙攻

攻齊

與之齊伐趙

之趙趨

其實同理

以趙攻齊則得齊趨齊伐趙亦得趙故其理同

必不處矣

處猶據也言秦不據齊理同而獨不

據齊齊無兵而趙已出兵故也

故用祝弗即天下之理也

理在受兵於趙

周相呂倉見客於周君

言之於君使得見

前相工師籍恐客之

傷已也

傷猶毀此即後工陳籍

因令人謂周君曰客者辯士也

然而所以不可者

不可聽用

好毀人

虜謂工師籍非端人也禮義不愆何恤人

言之

周文君

史書東周畧甚豈惠公後有此君耶不然則惠公別稱也鴻烈道應訓亦稱周昭文君此後書

訓皆鴻烈也

免

下衍士字

工師籍相呂倉國人不說也君有閔

閔之心

亦不說也

謂周文君曰國必有誹譽

誹謗也

忠臣令

誹在已譽在上宋君奪民時以為臺而民非之

見襄十

年無忠臣以掩蓋之也子罕釋相為司空

司空主土工傳言子

罕親執扑以行築者是也

民非子罕而善其君齊桓公宮中女

元作

士市女問七百

閭里中門也為門為市於宮中使女子居之

國人非之管



仲故為三歸之家

婦人謂嫁曰歸夫家曰家仲蓋三取女也

以掩桓公非

自傷於民也

管仲為此入皆毀之仲非樂於毀也其意欲掩蓋桓公耳一說仲欲掩公之非

寧自毀也

春秋記臣弑君者以百數皆大臣見譽者也故

大臣得譽非國家之美也

鹿謂此言掩君之非可耳而蓋見譽者於弑君之列

則後世名卿賢相何道而可以安於朝廷之上不仁哉此言也

故衆庶成強

言師籍之得衆

增積如山周君遂不免

卒相倉也

溫人之周

溫時為西邑恭毋恢請之也

周不納

並東周

客即對曰主人

也

矯稱東人

問其巷而不知也吏因囚之君使人問之曰

子非周人而自謂非客何也對曰臣少而誦詩詩曰

普天之下莫非王土率土之濱莫非王臣

小雅北山詩普徧率

循也今周君天下則我天子之臣而又為客哉故曰主

人君乃使吏出之

或為周最謂金投

蓋趙人之不善齊者

曰秦以周最之齊疑天下

周使最之齊秦以此疑周齊與天下合而謀已

而又知趙之難子

不敢

齊人

戰恐

秦既疑齊技又不善齊故齊懼伐

齊

下行韓字之合必先合於秦秦

齊合則公之國虛矣

言趙必破而為墟墟虛字同大丘也

公不如救齊

因佐秦而伐韓魏上黨長子

屬上黨並韓地

趙之有已

二國有秦

兵故趙得取其邊地

公東收寶於秦

佐秦故

南取地於韓魏因以

困

韓魏唇齒之國故也

徐為之東

為猶謀也東謂齊

則有合矣

齊合趙也始時

趙與齊隙無合理今得秦韓故齊懼而合其實最時相齊慮有趙患故為最謀者移之韓魏也

周最謂金投曰公負令秦與強齊戰

負猶失也其失在此

戰勝

勝齊

秦且收齊而封之

封謂強理之

使無多割

割謂出地

而聽天下

之戰

諸國求地於齊齊不多割則必戰此秦弱齊之計

不勝國大傷

趙傷也時趙令

秦與齊戰戰不勝則秦必咎趙能無傷乎

不得不聽秦

趙聽也

秦盡韓魏之

上黨太原

魏地從為秦郡

西土

元作止

秦之有已

秦之所難者齊也已收齊

則韓魏不守

秦地天下之半也制齊楚三晉之命

趙以大傷故亦

制覆

元作復

國且身危

覆如覆器然國趙也身謂投

是何計之道也

言非計此策最為齊使趙拒秦也

石行秦謂大梁造

秦爵梁作良秦孝十年衛鞅惠文五年公孫衍昭襄十五年白起皆

為之此蓋起也

曰欲決霸王之名不如備兩周辯智之士

備謹

待之謂周君曰

行秦謂之

君不如令辯智之士為君爭於秦

秦欲卑周爭者爭此也既謹待之則爭必得矣

戰國策卷二

欽定四庫全書

戰國策卷三

宋 鮑彪 註

秦

蘇張說外自弘農故關以西京兆扶風馮翊北  
地上郡西河安定天水隴西皆秦地南有巴蜀  
廣漢捷為武都西有金城武威張掖酒泉  
燉煌又西南有牂柯越雋益州皆屬焉

孝公

獻公子顯王  
八年庚申立

衛鞅

衛之庶孽公  
子姓公孫氏

亡魏入秦

鞅事公相公叔  
為庶子見魏策

孝公以

為相封之於商

屬弘  
農

號曰商君商君治秦法令至行

至猶極

公平無私罰不諱強大

諱猶避也強宗大族

賞不私親近

法及太子

是為惠王

黥劓其傅

墨涅其額曰黥截鼻曰劓太子犯法鞅曰法之不行

自上犯之太子君嗣也不可刑刑其傅公子虔黥其師公孫賈

暮年之後道不拾遺

民不妄取兵革大強

革甲也以革為札

諸侯畏懼然刻深寡

恩

刻猶深也刻金木者有深而已

特以強服之耳孝公行之八年疾且

不起欲傳商君

傳位與之

辭不受孝公已死惠王代後莅

政有頃

莅臨也集韻頃少選

商君告歸

懼誅歸商

人說惠王曰大臣

太重者國危左右太親者身危

君之身

今秦婦人嬰兒

集韻女曰  
嬰男曰兒

皆言商君之法莫言大王之法是商君反

為主大王更為臣也且夫商君固大王之仇讐也願

大王圖之商君歸還

時自商欲歸魏  
不得故還秦

惠王車裂之而

秦人不憐

無念  
之者

惠文君

孝公子元年顯王三十二年甲申也十  
三年始稱王前此稱王後又追書耳

蘇秦始將連橫

文穎曰開東為從西為橫孟康曰南北  
為從東西為橫瓚曰以利合曰從以威

勢相脅  
曰橫

說秦惠王曰大王之國西有巴蜀漢中之利

三郡並  
屬益州

北有胡貉

胡樓煩林胡之  
類集韻貉似狐

代馬之用

代幽  
州郡

南



有巫山

在南郡巫

黔中之限

黔故楚地秦北距此二郡耳故言限秦昭三十年始定為

黔中郡後為武陵郡見後志

東有殺函之固

始皇紀注殺二殺函函關也在弘農

田

肥美民殷富

殷盛也

戰車萬乘奮擊百萬

士之能奮擊者

沃野

千里

沃言其肥潤

蓄積饒多地勢形便

地勢與形便於攻守

此所謂

天府

言蓄聚之富非人力也

天下之雄國也

物之雄者強

以大王之

賢士民之衆車騎之用

騎士之便馬者

兵法之教

教猶習

可以

并諸侯吞天下稱帝而治願大王少留意臣請奏其

効

奏進効功也

秦王曰寡人聞之毛羽不豐滿者不可以

高飛文章不成者

文章法今也

不可以誅罰道德不厚者

不可以使民政教不順者

逆人之心

不可以煩大臣

逆人心則

行之難故大臣勞

今先生儼然

矜莊貌

不遠千里而庭教之

教之

於廣庭願以異日

異猶它也俟成順然後承教以此知為惠王初

蘇秦曰臣固

疑大王之不能用也昔者神農伐補遂

國名未詳

黃帝伐

涿鹿

屬上谷

而禽蚩尤

九黎氏之後見事史

堯伐驩兜

書止言憂之豈當伐

之而不服耶

舜伐三苗

國名緡雲氏之後

禹伐共工

伐乃流之

湯伐有

夏文王伐崇

崇侯虎紂卿士道之為惡

武王伐紂齊桓任戰

任猶用也

作內政寄軍令是也

而霸天下由此觀之惡有不戰者乎古者

使車轂擊馳

轂輻所湊也相擊而馳言其衆

言語相結

結親也

天下為

一約從連橫兵革不藏文士並飭

文猶辯也飭飾同

諸侯亂

惑萬端俱起不可勝理科條既備

科程也集韻條件也

民多偽

態書策稠濁

策簡也大事書之稠多也言有司文書多閱者昏亂

百姓不足上

下相愁民無所聊

集韻聊賴也

明言章理

文章法理

兵甲愈起

辯言偉服

偉奇也

戰攻不息繁稱文辭

游說也

天下不治

舌敝耳聾不見成功行義約信天下不親於是乃廢

文任武厚養死士

敢死之士

綴甲厲兵

集韻厲屨也

効勝於戰

場

効致其功也

夫徒處而致利

徒猶空也言無所為

安坐而廣地雖

古五帝三王五霸明主賢君常欲坐而致之其勢不

能故以戰績之寃則兩軍相攻迫則杖戟相撞

迫近也杖

如杖劍戟謂持戰戰有支矛撞手搏也

然後可建大功是故兵勝於外

義強於內

論戰故獨言義

威立於上民服於下今欲并天下

凌萬乘

集韻凌侵尚也當從人

誣敵國

誣服之

制海內子元元

元善

也民之類善故稱元

臣諸侯

言敵國又言諸侯則侯非其敵者

非兵不可今之

嗣主

時君皆繼世者也

忽於至道皆昏於教

昏不

亂於治迷

於言惑於語沉於辯

沉猶溺

溺於辭

溺謂為所冒沒

以此論之

王固不能行也說秦王書十上而說不行黑貂之裘

敝

貂鼠屬大而黃黑出丁零國

黃金百斤盡資用乏絕

資貨也

去秦

而歸羸滕

方言僂齊楚陳宋曰羸通作羸滕織也

履躄負書擔囊

高注索囊

也然則此字元作索從兩說則上滕字當從巾囊也索無底囊有底

形容枯槁面目鰲

元作犁

黑集韻鰲黑黃色狀有愧色

愧元作歸今從高注

歸至家妻不下

絰機絲也不自若

嫂不為炊父母不與言蘇秦喟然歎曰

喟大息也

妻不以我為夫嫂不以我為叔父母不以我為

子是皆秦之罪也乃夜發書陳篋數十

篋藏也

得太公

陰符之謀

漢志有陰符經

伏而誦之簡練以為揣摩

簡猶擇練涑帛

也取其熟揣量摩研也遊說之術或量其情或研切之

讀書欲睡引錐自刺其

股錐銳也

錐之類

血流至足曰安有說人主不能出其金玉

錦繡取卿相之尊者乎暮年揣摩成曰此真可以說

當世之君矣於是乃摩燕烏集闕

摩言切近過之闕名未詳

見說

趙王肅侯於華屋之下

見說見而說也華高麗也

抵掌而談

集韻抵側擊也

趙王大說封為武安君受相印革車百乘也錦繡

千純

集韻匹  
端曰純

白璧百雙黃金萬鎰

一鎰二  
十四兩

以隨其後

約從散橫以抑強秦故蘇秦相於趙而關不通

六國  
之關

不通  
秦也

當此之時天下之大萬民之衆王侯之威謀臣

之權皆欲決於蘇秦之策

決言用之不  
疑策謀也

不費斗糧未

煩一兵未戰一士未絕一絃未折一矢諸侯相親賢

於兄弟

賢猶  
勝

夫賢人在而天下服一人用而天下從

故曰式於政不式於勇

式猶  
用

式於廊廟之內

廊東西  
序廟以

尊先祖人君之居謂之  
巖廊廟堂尊巖之稱

不式於四境之外當秦之隆

蘇秦隆  
盛之時

黃金萬鎰

元從水

為用轉轂連騎

後車之盛

炫熿於

道

光耀也

山東之國從風而服

以草偃為喻也

使趙大重

為從主諸

侯尊

且夫蘇秦特窮巷掘門

鑿垣為門

桑戶捲樞之士耳

樞門北也椽木為之  
如椽椽屈木孟也

伏軾

車前橫木

搏銜

集韻搏挫也蓋猶頓銜勒也

橫歷天下

歷過也猶橫行

庭說諸侯之主

猶庭教云

杜左右之口

杜

猶塞

天下莫之伉

集韻匹也

將說楚王

威

路過洛陽

漢為河南

郡父母聞之清宮除道

清洒掃也

張樂設飲

張旄也

郊迎三



十里迎於妻側目而視不敢傾耳而聽匍匐地行匍匐伏

地不直行伏音四拜自跪而謝集韻跪小拜也蘇秦

曰嫂何前倨而後卑也倨不避也嫂曰以季子位尊而多

金燕周曰秦字季子蘇秦曰嗟乎貧窮則父母不子富貴則

親戚畏懼人生世上勢位富厚蓋可以忽乎哉忽輕也此

策史畧同合從在趙肅侯十六年此四年彪謂秦之自刺可謂有志矣而志止於金玉卿相故其所成就適足誇嫂婦耳而此史極口稱頌之是亦利祿徒耳惡觀所謂大丈夫之事哉

秦惠王謂寒泉子秦處士之號曰蘇秦欺寡人欺詐也言以虛聲恐之

欲以一人之智反覆山東

元作東山

之君從以欺秦趙固

負其衆

負猶恃

故先使蘇秦以其幣帛約乎諸侯諸侯

不可一猶連雞之不能俱止於棲亦明矣

連謂繩繫之棲雞所

宿也寡人忿然含怒日久吾欲使武安子起往喻意焉

喻諭同告也告諸侯以不可一之意

寒泉子曰不可夫攻城墮邑

敗城邑曰

墮請使武安子善我國家

稱國家之美

使諸侯請使客卿

張儀

魏人仕秦惠五年為客卿

秦惠王曰敬受命

按起以昭二十九年為武安君

自合從至是五十七年矣所稱武安子起謬也

楚魏戰於陘山

魏記蘇秦傳注在密縣密屬河南楚記威王卒魏因喪取我陘山魏襄六年伐

楚敗之陘山在此前九年

魏許秦以上洛

屬弘農

以絕秦於楚

使不助楚

魏戰勝楚敗於南陽

荆州郡非修武所謂

秦責賂於魏

責求也

魏

不與管淺

秦人

謂秦王曰王何不謂楚王

懷

曰魏許寡

人以地今戰勝魏王衰背寡人也王何不與寡人遇

遇猶會

魏畏秦楚之合必與秦地矣是魏勝楚而亡地

於秦也是王以地德寡人

秦因楚會得地楚之患也

秦之楚者多

資矣

之往也言將以厚幣往結楚好

魏弱若不出地則王攻其南寡

人攻其西魏必危秦王曰善以是告楚楚王揚言

顯揚

言與秦遇魏王聞之恐効上洛於秦

楚使者景鯉在秦從秦王與魏王裏遇於境

此下脫簡有秦使周

最解說與魏所以遇之意見高注而楚策有其事是以鯉與之遇也敝邑之

於與遇善之加好故齊不合也楚王因不罪景鯉而

德周秦齊魏讐也好魏故齊不合齊楚敵也齊不合故楚說

楚王懷使景鯉如秦客謂秦王曰景鯉楚王

下行使景二字所

甚愛王不如留之以市地

市買賣所之也言使楚以地贖鯉如之

楚王

聽則不用兵而得地楚不聽則殺景鯉更行下不字與不

如景鯉者元作留是便計也使猶利安秦王乃留景鯉景鯉

使人說秦王曰臣見王之權輕天下權猶勢也天下所輕而地

不可得也臣之來使也聞齊魏皆且割地以事秦所

以然者以秦與楚為昆弟國今大王留臣是示天下

無楚也齊魏有何重於孤國也有猶又楚知秦之孤不

與地而外結交以圖秦圖則社稷必危不如出臣秦王

乃出之

楚攻魏張儀謂秦王曰不如與魏以勁之與猶助魏戰勝

復聽於秦必入西河之外

禹貢西河屬雍州此時屬魏子夏老於西河之上是

也不勝魏不能守王必取之自取河外王用儀言取皮氏

卒萬人車百乘

皮氏屬河東魏地也今秦於此取卒與車豈喪地七百里時入秦耶以

與魏犀首

公孫行也陰晉人司馬彪曰犀首魏官若今虎牙將軍

戰勝威王楚

魏兵罷敝

罷疲同

恐畏秦果獻西河之外

魏襄五年入秦河西地此

前八年也儀時為客卿魏七年納上郡此前十年也儀時為相

田華之為陳軫

二皆齊姓

說秦惠王曰臣恐王之如郭君

郭號

同屬扶風夫晉獻公欲伐郭而憚舟之僑存憚難之也僑郭大夫荀

息晉大夫曰周書有言美女破舌破壞其事舌指諫臣乃遺之女

樂以亂其政舟之僑諫而不聽遂去閔二年奔晉因而伐

郭遂破之又欲伐虞屬河東大陽而憚宮之奇存之奇虞臣荀

息曰周書有言美男破老老成人乃遺之美男教之惡

宮之奇宮之奇以諫而不聽遂亡左氏不言其亡因而伐虞

遂取之今秦自以為王時亦未王謂其欲之能害王者之國者

楚也因其有自王之志故稱之曰王者楚知橫門君元作橫君注有門字知為脫文

蓋秦將也

之善用兵

下行用兵二字

與陳軫之智故驕張儀以五

國

驕寵之也言楚使韓魏趙燕齊以事屬之以重其權按儀初游楚楚相咎之後相楚乃為秦間耳楚

無驕之之事今云然因其自楚來間之耳

來必惡是二人

惡言其惡也

願王勿

聽也張儀果來辭因言軫也王怒而不聽

張儀又惡陳軫於秦王曰軫馳秦楚之間今遂不加善

秦而善軫

言楚善之

然則是軫自為而不為國也且軫欲

去秦而之楚王何不聽乎

聽猶許

王謂陳軫曰吾聞子

欲去秦而之楚信乎陳軫曰然王曰儀之言果信也



曰非獨儀知之也行道之人皆知之曰孝己愛其親

世紀殷高宗有賢子孝己母早死高宗惑後妻之言放之而死天下欲以為子子胥

忠乎其君

伍子胥楚人平王殺其父奢胥奔吳王夫差敗越於夫椒越王勾踐求委國為臣

妾夫差將許之胥諫不聽後吳伐齊胥諫請釋齊先越太宰嚭諂之賜劍以死天下欲以為

臣賣僕妾售乎閭巷

售賣去手也

者良僕妾也

良善也

出婦

嫁鄉曲者

曲里之一曲如韋曲杜曲

良婦也吾不忠於君楚亦何

以軫為忠乎忠且見棄吾不之楚何適乎秦王曰善

乃止之

軫傳有

陳軫去楚之秦

言去楚者本其始仕秦之時  
自楚來也且為輸楚張本

張儀謂秦

王曰陳軫為王臣常以國情輸楚

情謂國事  
之隱者

儀不能

與從事願王逐之即復之楚願王殺之王曰軫安敢

之楚也王召陳軫告之曰吾能聽子子欲何之請為

子約車

約經  
束之

對曰臣願之楚王曰儀以子為之楚吾

又自知子之楚子非楚且安之也軫曰臣出必故之

楚以順王與儀之策

策謂其  
所籌慮

而明臣之楚與否也

此  
之

即所謂以  
國情輸楚

楚人有兩妻者人誂其長者

誂相呼  
誘也

長者

詈之

也 詈罵

誂其少者少者許之居無幾何

時不

有兩

妻者死客謂誂者曰汝取長者乎少者乎取長者

誂者

對

客曰長者詈汝少者和汝

和猶應

汝何為取長者曰

居彼人之所則欲其許我也今為我妻則欲其為我

詈人也

以國情輸楚猶許者也軫誠有此則今之楚楚必不欲也

今楚王

懷

明主

也而昭陽賢相也軫為人臣而常以國情

補

輸楚楚

元作王

王必不留臣昭陽將不與臣從事矣以此明臣

之楚與否

之亦猶於

軫出張儀入問王曰陳軾果安之王

曰夫軫天下之辯士也熟元作孰視寡人曰軫必之楚

寡人遂無奈何也寡人因問曰子必之楚也則儀之

言果信也軫曰非獨儀之言也行道之人皆知之昔

者子胥忠其君天下皆欲以為臣孝已愛其親天下

皆欲以為子故賣僕妾不出里巷而取者良僕妾也

出婦嫁於鄉里者善婦也臣不忠於王楚何以軫為

忠忠補且見棄軫不之楚而何之乎王以為然遂善

待之

此一事再出著書者以所聞駁異也彪謂軫之辯類捷給而其所稱譬皆當於人心不詭於正

論周衰辯士未有若軫之絕倫離羣者也

義渠君

西戎也北地郡有義渠道

之魏公孫衍謂義渠君曰道遠臣

不得復過矣

不復相過

請謁事情

謂白也情猶實

義渠君曰願聞

之對曰中國無事於秦則秦且燒燬獲君之國

燒亦燬也

言火其國以得其地

中國為有事於秦

事皆謂戰

則秦且輕使重幣

輕言其行疾

而事君之國也

此事君之事

義渠君曰謹聞令

猶令

命居無幾何五國伐秦

後七年韓趙魏燕齊共攻秦

陳軫謂秦王

曰義渠君蠻夷之賢君王不如賂之以撫其心

撫安也

秦王曰善因以文繡千匹好女百人遺義渠君

遺贈也

義渠君致羣臣而謀

致之使至

曰此乃公孫衍之所謂也

因起兵襲秦大敗秦人於李帛之下

史張儀傳末有此策帛作伯地

缺平原傳注河內成臯有李城豈秦出兵與諸國過於此地而見敗耶

司馬錯秦人與張儀爭論於秦惠王前司馬錯欲伐蜀張

儀曰不如伐韓王曰請聞其說對曰親魏善楚下兵

三川塞轅轅緱氏之口

高紀注轅轅緱氏險道屬河南

當屯留之道

屬上黨魏絕南陽

秦使絕

楚臨南鄭

亦河南鄭

秦攻新城宜陽

新城屬  
河南

以臨二周之郊誅周主之罪

誅討也

侵楚魏之

地周自知不救九鼎寶器必出據九鼎按圖籍

土地之圖

人民金穀之籍

挾天子

挾持也

以令天下

號令指麾之

天下莫敢不

聽此王業也今夫蜀西僻之國而戎狄之長也敝兵

勞衆不足以成名

伯王之名

得其地不足以為利臣聞爭

名者於朝爭利者於市今三川周室天下之市朝也

而王不爭焉顧爭於戎狄

顧還視也故為反

去王業遠矣司

馬錯曰不然臣聞之欲富國者務廣其地

務趣也

欲強

兵者務富其民欲王者務博其德三資者備

三者於國如人

之有資貨

而王隨之矣今王之地小民貧故臣願從事於

易夫蜀西僻之國也而戎狄之長也而有桀紂之亂

以秦攻之譬如使豺狼逐羣羊也取其地足以廣國

也得其財足以富民繕兵

繕補也

不傷衆而彼已服矣

故拔一國而天下不以為暴利盡四海

言四方之物蜀兼有之故

蘇秦於巴蜀漢中獨曰利

諸侯不以為貪是我一舉而名實兩附

不貪暴名也得國實也

而又有禁暴正亂之名今攻韓劫天子



劫脅止也劫天子惡名也而未必利也又有不義之名韓

罪而伐之不義也而攻天下之所不欲危天下皆有尊周之志臣請謁

其故周天下之宗室也宗尊也齊韓周之與國也周自

知失九鼎韓自知亡三川則必將二國并力合謀並

也以因于齊趙而求解乎楚魏解免秦兵以鼎與楚以地

與魏王不能禁此臣所謂危不如伐蜀之完也不虞傷敗

惠王曰善寡人聽子卒起兵伐蜀十月取之遂定蜀

蜀主更號為侯而使陳莊相蜀蜀既屬屬猶附秦益強

富厚輕諸侯

儀傳有在前十年前而表在後九年謂前年議伐後年取之而取之書十月知

為一年事

也今從表

齊助楚攻秦取曲沃

晉桓叔所封漢屬河東為聞喜此時屬秦與上取皮氏卒同義

其

後秦欲伐齊齊楚之交善惠王患之謂張儀曰吾欲

伐齊齊楚方懼子為寡人慮之奈何張儀曰王其為

臣約車并幣

言并則幣非一物

臣請試之

不自必之辭

張儀南見

楚王

懷

曰敝邑之王所說甚者無大大王

大猶過

唯儀

之所甚願為臣者

唯辭也傳稱往相楚是也

亦無大大王敝邑之

王所甚憎者

行亦字

無大齊王

閔

唯儀之所

補

甚憎者

亦無大齊王今齊王之罪其於敝邑之王甚厚

言得罪於

秦重也 敝邑欲伐之而大國與之懼是以敝邑之王不

得事令

事猶聽從

而儀不得為臣也大王苟能閉關絕齊

臣請使秦王獻商於之地

楚記注在今順陽郡南鄉丹水三縣有商城在於中

故名弘農商縣是也

方六百里若此齊必弱

失楚援故

齊弱則必為

王後

元作沒

矣

後言為楚後使

則是北弱齊西德於秦

秦因楚絕齊得

報曲沃之役楚之惠也

而私商於之地以為利也則此一計而

三利俱至楚王大說宣言之於朝廷曰不穀得商於

之地方六百里羣臣聞見者畢賀

畢猶盡

陳軫後見

時去

秦在楚

獨不賀楚王曰不穀不煩一兵不傷一人而得

商於之地六百里寡人自以為智矣諸士大夫皆賀

子獨不賀何也陳軫對曰臣見商於之地不可得而

患必至也故不敢妄賀王曰何也對曰夫秦所以重

王者以王有齊也今地未可得而齊先絕是楚孤也

無援故

秦又何重孤國且先出地絕齊秦計必弗為也

先絕齊後責地且必受欺於張儀

言儀必背約

受欺於張

儀王必惋之

恨猶

是西生秦患北絕齊交則兩國兵

必至矣楚王不聽曰吾事善矣子其弭口無言

集韻弭止

也通作弭以待吾事

軫之策此可謂明矣而懷王不聽愚而好自用者也其死秦宜哉

楚

王使人絕齊使者未來

來還也

又重絕之張儀反

絕秦句

使人使齊齊秦之交陰合楚因使一將軍受地於秦

張儀至

前反而今至也

稱病不朝楚王曰張子以寡人不絕

齊乎乃使勇士往詈齊王張儀知楚絕齊也乃出見

使者曰從某至某廣從六里

橫度為廣直為從

使者曰臣聞

六百里不聞六里儀曰儀固以小人

小人貧窶之稱言不能多與

安得六百里使者反報楚王楚王大怒欲興師伐秦

陳軫曰臣可以言乎王曰可矣軫曰伐秦非計也王

不如賂之一名都

都邑有聞於時者

與之伐齊是我亡於秦

而取償於齊也

償還也言勝齊則得地雖亡所賂足以相償

楚國不尚全

事

不尚尚也言無所喪

王今已絕齊而責欺於秦是吾合齊秦

之交也國

元作國

必大傷楚王不聽

是亦明計也而不聽是以知楚王之

悍也彼安能用屈原哉

遂舉兵伐秦秦與齊合韓氏從之楚兵

大敗於杜陵

屬京兆

故楚之土壤士民非削弱僅以救

亡者

集韻僅劣也

計失於陳軫過聽於張儀

過猶誤

記懷十六年有

此十二年也

楚絕齊齊舉兵伐楚陳軫謂楚王

懷

曰王不如以地東

解於齊西講於秦王使陳軫之秦秦王謂軫曰子秦

人也寡人與子故也

故言有舊

寡人不佞

佞高材也

不能親國

事也

躬親治國

故子棄寡人事楚王今齊楚相伐

軫傳言韓魏

或謂救之便或謂救之不使子獨不可以忠為子主

計主懷以其餘為寡人乎陳軫曰王獨不聞吳人之

遊楚者乎楚王甚愛之楚先病吳故使人問之楚王

曰使者還誠病乎意亦思乎思左右曰臣又知其思

與不思注家說有為又則又亦誠思則將吳吟作吳

吟今軫將為王吳吟言不王不聞夫管與之說乎軫

作館有兩虎爭元作詩人而鬪管莊子將刺之傳管

刺直管與止之曰虎者戾蟲戾猶人者甘餌也以餅



之  
今兩虎爭人而鬪小者必死大者必傷子待傷虎

而刺之則是一舉而兼兩虎也無刺一虎之勞而有

刺兩虎之名齊楚今戰戰必敗必有敗王起兵救之

有救齊之利而無伐楚之害今詳秦王言為子主計則以齊楚正相伐故也

今幹言無伐楚亦所以忠為主也計聽知覆逆者能計善聽知二國之覆逆覆逆言不

順於唯王可也計者事之本也聽者存亡之機機主發失

喻事之要也先也計失而聽過能有國者寡也故曰計有一

二者難悖一二言反覆計之集韻悖亂也聽無失本末者難惑軫傳有無

計聽  
下

秦惠王死公孫衍欲窮張儀李讐秦人謂公孫衍曰不如

召甘茂於魏召公孫顯秦人於韓起樗里子於國起猶

三人者皆張儀之讐也公用之則諸侯必見張子之

無秦矣

武王

惠文子元年報  
王五年辛亥

張儀欲假秦兵以救魏時將相魏左成謂甘茂曰不如予之

魏不反秦兵謂敗而死傷多張子不反秦懼秦以喪兵誅之魏若反

秦兵張子得志於魏不敢反於秦矣

懼秦疑其厚魏

張子不

去秦

去猶捨也儀雖為魏猶有得秦之心

張子必高子

高貴重也高之者欲茂以秦資

之

張儀之殘樗里疾也

殘猶害

重而使之楚

重猶貴重之者欲使楚亦貴重

之因令楚王

懷

為之請相於秦

請於秦使相之

張子謂秦王

曰重樗里疾而使之者將以為國交也

結兩國之交

今身

在楚

疾之身

楚王因為請相於秦臣聞其言

聞疾之言蓋誣之也

曰王

楚王

欲窮儀於秦乎臣請助王楚王以為然故為

請相也今王誠聽之彼必以國事楚王秦王大怒擣

里疾出走

張儀欲以漢中與楚

惠十三年取楚漢中

請秦王曰有漢中蠹

木蠹

中蠹也言為國害

種樹不處者

言非其所

人必害之家有不宜之

財則傷

非所宜得得之必有禍

今

元作本

漢中南邊為楚利此國

累也甘茂謂王曰地大者固多憂乎

言不然

天下有變

謂害於秦

王割漢中以楚和楚必畔天下而與王

畔猶背王

今以漢中與楚即天下有變王何以市楚也

為補魏謂魏冉

楚人宣太后弟後封穰侯傳言其用事武王時此冉欲如楚魏恐其合也

曰公聞東方之語乎

東山

曰弗聞也曰辛張陽毋澤

辛疑韓人張張儀毋澤疑齊人

說魏王

哀

薛公

田嬰

公叔也曰臣戰

與楚

戰載主契國

主木主軍行載之禱且告焉契言以國為給

以與王約

王魏

必無患矣若有敗之者臣請挈領

領項也言欲請誅持其項以受鈇鉞

然而臣有患也

患楚與秦合下衍十六字

夫楚王

懷

之以其國依

冉也而事臣之主

事征伐也臣辛張陽主韓魏齊也此三人之辭非說冉者故名冉

此臣之所甚患也

此下乃說者之辭

今公東而因言於楚

公謂

冉東東之楚也  
因與楚好言

是令張儀之言為禹

儀以武二年死  
故此章必次之

是禹善讓今儀言楚依冉而冉  
果與楚合是儀之謀侷於禹也

而務敗公之事也

三國

是儀之說必欲  
敗冉合從之為

公不如反公國

謂

秦德楚

但施恩惠  
而不之楚

而

觀薛公之為公也

觀其於  
冉如何

觀三國之所求於秦而不

能得者請以號三國以自信也

為韓魏齊請其所欲  
於秦因宣言之所以

信於三國觀張儀與澤之所不能得於薛公者

行也

而公

請之以自重也

薛公所不與儀者冉為之請而得則  
儀重冉儀時相魏為儀請而得亦所

以為魏魏  
亦重冉也

醫扁鵲

盧人字越人

見秦武王武王示之病扁鵲請除

欲去其病

左右曰君之病在耳之前目之下除之未必已也將

使耳不聰目不明君以告扁鵲扁鵲怒而投其石

也 破

所以破彈腫

曰補

君與知之者謀之而與不知者敗之使

此知秦國之政也

此如此

則君一舉而亡國矣

按扁鵲與趙簡

子同時至是百三十年矣

秦武王謂甘茂曰寡人欲車通三川以闕周室

闕窺同小視也

周室洛邑蓋欲取之不正言耳言三川知其志不止鑄京也

而寡人死不朽乎甘

茂對曰請之魏約伐韓王令向壽

宣太后外族

輔行

副輔猶

甘茂至魏謂向壽子歸告王曰魏德臣矣然願王勿

攻也事成盡以為子功向壽歸以告王王迎甘茂於

息壤

山海經鯀竊息壤以墮洪水府則訓於中央言息壤湮洪水之州而柳子厚言永州有之則息壤非一處

此秦地也

甘茂至王問其故

勿攻之故

對曰宜陽大縣也

上黨南陽

此屬修武

積之久矣

二縣財賦歸之

名為縣其實郡也

此時韓都平陽春秋傳上大夫受郡下大夫受縣則郡縣之稱久矣

今王倍數險

倍背同

行數千里而攻之難矣臣聞張儀西并巴蜀之地

井猶



兼北取西河之外南取上庸屬漢中天下不以衍為多

張儀而賢先王文惠魏文侯令樂羊將攻中山冀州國後志一

名中三年而拔之樂羊反而語功文侯示之謗書一

篋樂羊再拜稽首曰此非臣之功主君之力也今臣

羈旅之臣也樗里疾公孫衍二人者挾韓而議媒孽之也

王必聽之是王欺魏而臣受公仲朋元作之怨也朋公

仲名此書後或名朋或名侈朋侈字近故誤史並作侈然韓策言公仲侈又言韓侈為兩人今定公仲名

朋別韓昔者曾子處費魯邑屬東海費人有與曾子同名

族者

族姓也

而殺人人告曾子母曰曾參殺人曾子之

母曰吾子不殺人織自若

若如故也

有頃焉人又曰曾參

殺人其母尚織自若也頃之一人又告之曰曾參殺

人其母懼投杼

機之持緯者

踰牆而走夫以曾參之賢與

母之信也而三人疑之

使其母疑

則慈母不能信也今臣

之賢不及曾子而王之信臣又未若曾子之母也疑

臣者

疑之於王

不適三人

適當同

臣恐王為臣之投杼也王

曰寡人不聽也請與子盟於是與之盟於息壤果攻

宜陽五月而不能拔也樗里疾公孫衍二人在

言在中也

爭之王王將聽之召甘茂而告之甘茂對曰息壤在

彼王曰有之因悉起兵復使甘茂攻之遂拔宜陽

在三

年茂

傳有

宜陽之役

役猶戌役

馮章

秦人

謂秦王曰不拔宜陽韓楚乘吾

敝國必危矣不如許楚漢中以懼之

使楚說也

楚懼而不

進韓必孤無奈秦何矣王曰善果使馮章許楚漢中

而拔宜陽楚王

懷

以其言責漢中於馮章馮章謂秦

王曰王遂亡臣

詐為逐之

因謂楚王曰寡人固無地而許

楚王

彪謂此策可以無出地矣如後不可為約何

甘茂攻宜陽三鼓之

鼓以進軍

而卒不上

卒士也上猶前

秦之右將

有尉

尉軍

對曰公不論兵

言不以兵法治士

必大困甘茂曰我

羈旅而得相秦者我以宜陽餌王

以釣喻也

今攻宜陽而

不拔公孫衍樗里疾挫我於內

挫推也

而公仲

元作中

以

韓窮我於外是無伐之日已

戰功曰伐言後不復立功

請明日鼓

之而不可下因以宜陽之郭為墓

示必死也

於是出私金

以益公賞明日鼓之而宜陽拔

宜陽未得秦死傷者衆甘茂欲息兵左成謂甘茂曰公

內攻於樗里疾公孫衍

二人毀之如攻國然

而外與韓朋

元作侈

為怨今公用兵無功公必窮矣公不如進兵攻宜陽

宜陽拔則公之功多矣是樗里疾公孫衍無事也

不得

事秦衆盡

謂死傷多

怨之深矣

使茂久攻二人持之故也

宜陽之役楚畔秦而合於韓秦王懼甘茂曰楚雖合韓

不為韓氏先戰韓亦恐戰而楚有變其後

變背約也楚時助韓

兵在韓後

韓楚必相御也

御猶制也二國雖合猶相疑故自相制

楚言與韓

而不餘怨於秦

楚之與韓有言而已而其於秦不見多怨

臣是以知其御

也

宜陽之後楊達

秦人

謂公孫顯曰請為公以五萬攻西周

得之是以九鼎抑

元作印

甘茂也

顯與茂爭國者見惠王策抑按也

不

然秦攻西周天下惡之其救韓必疾則茂事敗矣

言攻

而不勝亦足以敗茂元在韓策

秦王謂甘茂曰楚客來使者多健

言其強辯

與寡人爭辭寡

人數窮焉

辭屈也

為之奈何甘茂對曰王勿患也其健

者來使者則王勿聽其事其需弱者來使

集韻需音儒韋柔滑

貌

則王必聽之然則需弱者用而健者不用矣王因

而制之

弱者易制因可制

甘茂相秦秦王愛公孫衍與之間有所立

請間之間暇隙也因暇與

語將置相也

因目謂之曰寡人且相子甘茂之吏道而聞

聞之於道

以告甘茂甘茂因入見王曰王得賢相敢再

拜賀王曰寡人託國於子焉更得賢相對曰王且相

犀首王曰子焉聞之對曰犀首告臣王怒於犀首之

泄也乃逐之

補逐逐衍也曰告人足矣不必告已

甘茂約秦魏而攻楚楚之相秦者屈蓋

凡屈皆楚人楚任之於秦使為

秦相為楚和於秦秦啓關而聽楚使甘茂謂秦王曰誅

元作於楚

誅誘也若休則恐耳

而不使魏制和

制謂主之

楚必曰

以

魏之言告魏

秦鬻魏

鬻賣也如賣友云言始約而終背之

魏

補不說而合於

楚楚魏為一國恐傷矣王不如使魏制和魏制和必

說絕句王不惡於魏則寄地必多矣

言魏且割地與秦時地未入故言寄



謂秦王曰臣竊惑王之輕齊易楚而卑畜韓也臣聞王

兵勝而不驕霸主約而不忿主天下之要約勝而不驕故能

服世約而不忿故能從鄰使鄰國服從今王廣德魏趙大

思而輕失齊驕也戰勝楚交不恤楚交忿也言不以交楚為

意驕忿非霸王之業也臣切為大王慮之而不取也

詩云靡不有初鮮克有終大雅蕩詩故先王之所重者唯

終與始何以知其然也昔智伯瑤殘范中行范吉射中行寅

晉兩圍晉陽屬太原故卒為三家笑趙魏韓也事見韓策晉出公十

七年吳王夫差棲越於會稽故越國揚州郡亦山名事見哀元年勝齊於

艾陵

杜注齊地哀十一年

為黃池之遇

陳留外黃注縣有黃溝又魏內黃注吳會諸侯

於黃池今黃溝是哀十三年

無禮於宋

並哀十三年吳欲伐宋殺其大夫囚其婦人

遂

為

元作與

勾踐禽死

二十二年

梁君

惠王

伐楚勝齊制韓趙之

兵驅十二諸侯以朝天子於孟津

在河內河陽縣南魏記惠王二年敗

韓於馬陵敗趙於懷十五年魯衛宋鄭君來朝二十八年中山君為相不見齊楚及朝天子事

後子

死

太子申也三十年齊敗我馬陵虜申

身布冠

以喪禮自居也

而拘於秦

拘猶制

三者非無功也能始而不能終也今王破宜陽殘三

川而使天下之士不敢言雍天下之國

雍擁同言據有之

徒

兩周之疆

侵逼之

而世主不敢窺陽侯之塞

河東陽注陽侯國

取黃棘

秦紀楚記懷王與昭王盟於黃棘皆此地

而韓楚之兵不敢進王

若能為此尾

言善其後

則三王不足四五霸不足六王若

不能為此尾而有後患則臣恐諸侯之君河濟之士

濟水在溫西北

此言中國耳

以王為吳智之事也詩云行百里者

半於九十

逸詩言行九十里適足為五十里耳

此言末路之難今大王

皆有驕色以臣之心觀之天下之事依世主之心

猶依

據非楚受兵必秦也皆驕強故何以知其然也秦人援魏

以拒楚楚人援韓以拒秦

衍王

四國之兵敵

秦楚韓魏也韓

魏雖弱以得援故與之敵

而未能復戰也

敵故不敢輕戰

齊宋在繩墨之

外以為權

外言四國不以為意權言能輕重四國

故曰先得齊宋者伐

秦

此言魏韓得之

秦先得齊宋則韓氏鏖

以鏖金喻

韓氏鏖則楚

孤而受兵也楚先得之則魏氏鏖魏氏鏖則秦孤而

受兵矣若隨此計而行之則兩國者秦楚必為天下笑

矣

鹿謂此策孟軻之徒也惜其不名

秦王與中期秦人爭論不勝秦王大怒中期徐行而去或

為中期說秦王曰悍人也悍勇也勇者多迂中期適遇明君

故也向者遇桀紂必殺之矣秦王因不罪

昭襄王

武王母弟元年  
魏王九年乙卯

甘茂亡秦

茂傳昭元年擊  
魏皮氏未拔去

且之齊出關遇蘇子

代也代  
傳侍燕

太子質於  
齊將適秦

曰君聞夫江上之處女乎

女在  
室者

蘇子曰不

聞曰夫江上之處女有家貧而無燭者處女相與語

欲去之

遣之  
使去

家貧無燭者將去矣謂處女曰妾以無

燭故常先至掃室布席何愛於餘明之照四壁者幸  
以賜妾何妨於處女妾自以為有益於處女何為去  
我處女相語以為然而留之今臣不肖弃逐於秦而  
出闕願為足下掃室布席幸無我逐也蘇子曰善請重  
公於齊乃西說秦王曰甘茂賢人非恒士也恒常也其  
居秦累世重矣茂事惠武昭三王自殽塞谿谷地形險易盡  
知之彼若以齊約韓魏反以謀秦是非秦之利也秦  
王曰然則奈何蘇代曰不如重其贄集韻贄與摯同握持也言多持

物往遺之

厚其祿以迎之彼來則置之槐谷

扶風有槐史云槐谷注在

陽城終身勿出

代知茂必留齊故言此爾不為茂游說也

天下何從圖秦秦

王曰善與之上卿以相迎之齊

迎之於齊

甘茂辭不往蘇

子

元作秦

偽為齊

補王

閔

曰甘茂賢人也今秦與之上

卿以相迎之茂德王之賜故不往願為王臣今王何

以禮之王若不留必不德王彼以甘茂之賢得擅用

強秦之衆則難圖也齊王曰善賜之上卿命而處之

命猶八命之

命茂傳有

獻則

楚人為芊戎游說者

謂公孫消

秦人

曰公大臣之尊者也數伐

有功

伐戰伐

所以不為相者太后

宣太后

不善公也芊

元作

辛下

戎者太后之所親也

穰侯傳后同父弟芊戎為華陽君凡芊皆楚人

今

亡於楚在東周

戎時未入秦知為昭王初也

公何不以秦楚之重

資而相之於周乎

使為周相

楚必使之矣

戎雖以罪去楚楚既與秦共資

之必為楚用故楚利之

是芊戎有秦楚之重太后必說公公相

必矣

三國攻秦入函谷

魏記哀二十一年與齊韓共攻秦此九年也

秦王謂樓緩



趙人見穰侯傳此九年相秦而免

曰三國之兵深矣寡人欲割河東

而講

大河之東非郡名

對曰割河東大費也免

元作勉

於國患

大利也此父兄之任也

謂公族

王何不召公子他

元作池下

同此書多作他

而問焉王召公子他而問之對曰講亦悔不

講亦悔王曰何也對曰王割河東而講三國雖去王

必曰惜矣

悔其失地

三國且去吾特以三城從之此講之

悔也王不講三國入函谷咸陽必危

咸陽秦都扶風渭城也

王

又曰惜矣吾愛三城而不講此又不講之悔也王曰

鈞吾悔也

鈞均同平也

寧亡三城而悔無危咸陽而悔也

寡人決講矣

決斷也猶必

卒使公子他以三城講於三國

三國

補此二字

之兵乃退

緩時相秦對以他之言豈為彼官哉而曰此父兄之任焉用彼

相矣

薛公

田文

為魏謂魏冉曰文聞秦王欲以呂禮收齊

收猶取也

禮時相齊親禮所以取齊昭十三年禮奔魏其相齊見周策及孟嘗傳後至十九年歸秦明年齊伐宋伐宋後文乃相魏此事合在禮歸秦之前此時文未相魏其言為魏意親之矣

以濟天下君

必輕矣齊秦相聚以臨三晉禮必并相之

相齊及秦

是君

收齊以重呂禮也齊免於天下之兵其讐君必深

齊讐

冉也欲得陶故故下章曰攻齊不成陶為鄰恤然齊未免於兵亦不敢爾

君不如勸秦王

令敝邑

薛也文以此十三年奔薛

卒攻齊之事齊破文請以所得

封君齊破晉強

晉謂魏

秦王畏晉之強也必重君以取

晉

文親魏而重冉故欲取晉必重冉

齊子晉敝邑

薛雖文舊封而屬齊齊破畏魏且取

薛子魏

而不能支秦

魏得薛秦必害之而魏實弱不能當秦

晉必重君以

事秦是君破齊以為功採晉以為重也破齊定封而

秦晉皆重君若齊不破呂禮復用

禮雖亡秦之齊秦方以禮收齊則復

親之今齊不破是秦收齊之功遂也禮  
為有功於秦秦必用之并相齊秦也

子必大窮矣

冷向

高注秦人今詳為齊人蓋齊  
攻宋恐秦害之故使向說秦

謂秦王曰向欲以齊

事王使攻宋也宋破晉國危安邑王之有也

晉國大  
梁也宋

在其東宋破則梁危安邑屬河  
東近秦梁危則秦可取安邑

燕趙惡齊秦之合必

割地以交於王矣齊必重於王

秦多得地齊畏  
其強故重之

則向

之攻宋也且以恐齊而重王

燕趙交於秦  
故齊必恐

王何惡向

之攻宋乎

惡皆  
去音

向以王之明為先知之

言秦自知  
攻宋之利

故

不言

謂穰侯曰為君慮封

謀所以定其封

苦

元作若

於除宋罪重齊怒

宋齊所惡也故除宋罪則齊怒齊怒則冉之封不定故以為苦除解免也

須殘伐亂宋德

強齊定身封此亦百世之一時已

謂魏冉曰楚破秦秦

補

不能與齊懸衡矣

懸衡輕重等也此言秦輕

於秦三世積節於韓魏

節猶事也言累有戰伐之事

而齊之德新

加加德與行齊

秦交爭韓魏韓補

魏東聽謂聽

則秦

伐矣齊有東國之地方千里楚包九夷又方千里南

有符離之塞屬北有甘魚之口

未詳疑為濟陰高魚

權懸宋衡

言較其輕重

宋衛乃當阿甄耳

莊十三年注阿今濟北東阿齊之阿邑甄屬濟陰莊

十四年會于鄆史作甄此言二國如齊邑耳

利有千里者二

謂齊楚

富擅越

隸

趙勾踐國隸猶禮之秋官四隸征伐所獲之民也擅專有之事

秦烏能與齊懸衡

韓支分方城膏腴之地

支言細散取之腴腹肥也言肥沃如之

以薄鄭

薄猶迫也鄭屬長安在秦韓之間

兵休復起足以傷秦不必待齊

五國罷成臯

屬河南詳見趙策惠文十三年此二十一年也史不書

秦王欲為成

陽君

以趙魏策知為韓人此十七年入朝時在其國

求相韓魏韓魏弗聽秦

太后為魏冉

冉后弟時主五國之成后恐成陽害其事故為之言

謂秦王曰

成陽君以王之故窮而居於齊今王見其達而收之

亦能翕其心乎

翕猶收也言收之晚

王曰未也太后曰窮而不

收達而報之恐不為王用且收成陽君失韓魏之道

也

其窮在齊亦必韓魏所惡

藍田

屬京兆

豈難得哉

此策上有脫簡蓋三國攻楚楚求秦救薛公時在魏說者欲使薛公

遣使之楚告以舍楚楚攻秦以疑秦使不救楚此言三國既舍楚楚攻秦藍田可得也

況於楚之

故地

藍田秦近邑也尚可得而況楚地謂秦且以漢中予楚

楚疑於秦之未必

救已也而今三國之辭云

元作去三國攻楚史不書辭云上所言者也

則

楚之應之也必勸

勸樂之也言樂從從三國攻秦此一說也

是楚與三國

謀出秦兵矣

出兵敵三國也其謀自楚

秦為知之必不救也三國

疾攻楚楚必走秦以急

趨秦告急

秦愈不敢出

畏三國也此又一說

則是我離秦而攻楚也

我三國也離言絕其交

兵必有功薛公

曰善遂發重使之楚楚之應之果勸於是三國并力

攻楚楚果告急於秦秦遂不敢出兵大

衍臣字

有功

此章

應屬齊若魏然附之齊則薛公時在魏附之魏則無薛公事以其事不完不明而齊魏無所適屬也故次

之此



薛公入魏而出齊女

魏公子負芻之母薛公惡齊故逐之

韓春謂秦王曰

王何不取為妻以齊秦割魏

劫同

則上黨秦之有也

此上黨屬魏

齊秦合而立負芻負芻立其母在秦則魏秦

之縣也

言負芻以母故必事秦

已珉

元作珉下同字書無之而韓珉韓策作珉今並從之

此魏人也

欲以齊秦而困薛公

爭魏權故

佐欲定其弟

佐負芻庶兄也

定其立

臣請為王因珉與佐也

因二人可以割魏困薛

魏懼而復

之反齊女

負芻必以魏歿世事秦齊女入魏而怨薛公

終以齊奉事王矣

齊女德秦而齊其父母國也齊又與薛公隙故女能得之以事秦

謂魏冉曰和不成

與趙和秦也此二十七年白起擊趙因伐狼光

兵必出白起

者復將戰勝必窮公不勝必事趙從公公又輕

不能窮冉

故從冉而和然先和則冉重今不勝而和故輕

公不若毋多

謂專志於和毋他務也

則

疾到

趙歸我也此蓋冉欲和而起欲戰也起冉所薦其言窮公起似不爾

陘山之事

穰侯傳魏背秦與齊從親秦使穰侯攻趙韓魏於華陽下且益趙以兵伐齊則此後也陘

山在密後志注云史記秦破魏華陽地亦在縣則此策書陘山史書華陽一後也事在三十四年

趙

且與秦伐齊齊懼令田章以陽武

屬河南北時屬齊

合於趙

而以順子為質

齊公

趙王

惠文

喜乃案兵告於秦曰齊

以陽武賜敝邑而納順子欲以解伐敢告下吏

不斥王故

言告吏

秦王使公子他之趙謂趙王曰齊與大國救魏

而倍約

齊背二國

不可信恃大國不義

趙以齊背之為不義

以告敝

邑

告以伐齊

而賜之二社之地

邑皆有社二社二邑也

以奉祭祀今

又案兵且欲合齊而受其地非使臣之所知也請益

甲四萬大國裁之蘇代為齊獻書穰侯曰臣聞往來

者之

元作之者

言曰秦且益趙甲四萬人以伐齊臣竊必

之敝邑之王

必者意其然王襄王

曰秦王明而熟於計穰侯智

而習於事必不益趙甲四萬人以伐齊是何也夫三

晉相結秦之深讐也三晉百背秦百欺秦不為不信

不為無行今破齊以肥趙趙秦之深讐

此二十七年  
敗趙取代光

狼不利於秦一也秦之謀者必曰破齊敝晉

此晉趙  
也以趙

破齊齊破  
趙亦敝

而後制晉楚之勝

二國破敝秦無後  
慮可以南制楚

夫齊

罷國也

罷疲  
同

以天下擊之譬猶以千鈞之弩潰癰也

秦王安能制晉楚哉

夫能制人必其威武足以屈人  
今攻罷國勝之非武也安能制

人二也秦少出兵則晉楚不信

不信其  
伐齊

多出兵則晉

楚為制於秦齊恐則必不走於秦且走晉楚

兵多則非獨齊

見制懼晉楚亦見制齊畏秦故不趨秦而與晉楚同患故趨晉楚

三也齊割地以實

晉楚則晉楚安齊舉兵而為之頓劍

二國惡秦而齊先伐故既合則

齊為二國出兵頓下也此以小言之

則秦反受兵四也是晉楚以秦伐

齊

晉亦趙也初與秦伐齊

以齊破秦

為之頓劍是也

何晉楚之智而齊

秦之愚五也秦得安邑

此攻華陽時得之安邑魏也亦屬韓猶上黨兩屬也白起

傳取韓安邑

善齊以安之亦必無患矣秦有安邑則韓魏

必無上黨哉

言可取

夫取三晉之腸胃

安邑上黨如之

與出兵

而懼其不反也孰利故臣竊必之敝邑之王曰秦王

明而熟於計穰侯智而習於事必不益趙甲四萬人

以伐齊矣

穰侯傳有

秦客卿造

造其名

謂穰侯曰秦封君以陶

冉別封也趙記注陶今濟陰定

陶藉君天下

借以制天下之權

數年矣攻齊之事成陶為萬

乘

國大也

長小國以朝天子天下必聽五霸之事也攻

齊不成陶為鄰恤

言近於憂

而莫之據也

無援國可恃

故攻齊

之於陶也存亡之機也君欲成之何不使人謂燕相

國曰聖人不能為時

時天時非人所能為

時至弗失舜雖賢不

遇堯也不得為天子湯武雖賢不當桀紂不王故以

舜湯武之賢不遭時不得帝王今攻齊此君之大時

也已

得時之利無大於此

因天下之力伐讐國之齊報惠王之

恥

田單破燕燕惠王之初

成昭王之功

燕昭二十八年樂毅伐齊入臨淄三十二年下

齊七十餘城明年四單復之

除萬世之害此燕之長利而君之大

名也

君謂燕相

詩云樹德莫如滋

滋益也

除害莫如盡

逸吳詩

不亡越越故亡吳齊不亡燕燕故亡齊

齊閔八年蘇代為齊說燕

曾讓子之燕幾亡矣而不齊亡於燕吳亡於越此除

卒功故有樂毅臨淄之後

疾不盡也非以元作以非

此時也成君之功除君之害秦

卒有他事

卒粹同忽也

而從齊齊秦

元作趙

合其讐君必深

矣挾君之讎

讎謂齊

以誅於燕

使燕誅相

後雖悔之不可得

也已君悉燕兵而疾攻

元作借

之天下之從君也若報

父子之仇誠能亡齊封君於河南

亦河之南非郡此蓋寓封

為萬

乘達途於中國南與陶為鄰世世無患願君之專志

於攻齊而無它慮也



說秦王

按史此春申君未封時書在擊芒卯後此三十四年也

曰物至而反

至猶極

冬夏是也致至而危

致言取物置之物上

累棊是也今大國之

地半天下有二垂

邊陸

此從生民以來萬乘之地未嘗

有也先帝

尊稱之耳時未為帝

文王

惠文王非孝文

武王

元作莊王按史秦輕楚頃

襄王歇乃上書說秦昭王則史與此策書此為莊王謬也

王之身三世而不接地

於齊

不與通也

以絕從親之要

要約也

今王使成橋秦人守事

於韓

守猶待

成橋已

元作以

北入燕

使燕入朝於秦

是王不用甲

不伸威而出百里之地

出言割地燕入秦必割地予秦秦使之出也

王可

謂能矣王又舉甲兵而攻魏社大梁之門舉河內

屬司

隸

拔燕酸棗虛桃人

燕南燕屬東郡酸棗屬陳留徐注始皇五年取酸棗燕虛又蘇

代曰決胥須之口魏無虛頓丘按此則虛魏地也  
桃人史作桃注燕縣有桃城今按任城有桃聚

楚

燕之兵雲翔而不敢校

雲翔散也語注  
包曰校報也

王之功亦多

矣王休甲

元作申無休  
字今從史

息衆二年然後復之又取蒲

衍首垣

河東蒲坂注故蒲蘇代曰北有河外卷衍注  
不地今按屬魏故魏記書拔我卷垣蒲陽衍

而張儀說魏曰秦據卷衍又南陽  
有杜衍元作恒河東有首山有垣

以臨仁

兵臨之  
仁地缺

平

丘

元作  
兵

小黃濟陽嬰城

地並屬陳留嬰猶紫也蓋二邑環兵自守

而魏氏

服矣王又割濮

周紀注在江漢之南楚紀注建寧郡南有濮夷

磨之北

後志當陽

縣注荊州記沮水西有磨城子胥所造

屬之燕斷齊秦之要絕楚魏之

脊天下五合六聚而不敢救也王之威亦憚矣

憚言可畏

王若能持功守威省攻伐之心而肥仁義之誠

高注肥猶

厚地猶道則此誠字元作地也

使無復後患三王不足四五霸不足

六也王若負人徒之衆恃

元作材史作仗

甲兵之強一

元作壹

毀魏氏之威

前勝魏有威矣今自挫毀不持守也

而欲以力臣天下之

主臣恐有後患詩云靡不有初鮮克有終易曰狐濡

其尾

未濟注小狐不能涉大川雖濟而無餘力將濡其尾不能終也

此言始之易終

之難也何以知其然也智氏見伐趙之利而不知榆

次之禍也

榆次屬太原智伯葬處

吳見伐齊之便而不知干隧

之敗也

干隧吳地蘇秦春申傳並不注道應注干隧在臨淮豈此耶蓋或越王逐北至是

此

二國者非無大功也沒

元作設

利於前

沒猶

而易患於

後也吳之信越也從而伐齊遂攻齊人於艾陵還為

越王禽於三江之浦

禮揚州其川三江浦水濱也高注即干隧

智氏信韓

魏從而伐趙攻晉陽之城勝有日矣

其日可期

韓魏反之

殺智伯瑤於鑿臺之上

史注在榆次

今王妬楚之不毀也

謂無傷

而忘毀楚之強魏也

楚毀不能侵之故強致下文宜有韓字

臣為

大王慮而不取詩云大武遠宅不涉

逸詩武足迹宅猶居也言地之

居遠者雖有大足不涉之也

從此觀之楚國援也鄰國敵也詩云

他人有心予忖度之躍躍兔兔遇犬獲之

大雅巧言詩忖亦度

也躍躍走也兔狡也言兔雖善走或時過犬犬能得之喻人心難知或可忖度

今王中道而

信韓魏之善王也

中道在前後間

此正吳信越也臣聞敵不

可易時不可失臣恐韓魏之卑辭慮患

以慮患故辭卑

而實

欺大國也王既無重世之德於韓魏重猶累而有累世

之怨焉夫韓魏父子兄弟接踵而死於秦者百世矣

本國殘社稷壞宗廟隳剝腹折頤頤也首身分離暴骨

草澤暴日乾也頭顱僵仆顱首骨僵仆也相望於境父子老弱

係虜相隨於路係繫為虜虜獲也鬼神狐祥狐之為妖者無所食

無人為之依也百姓不聊生族類離散流亡為臣妾男為人臣女為

妾滿海內矣韓魏之不亡秦社稷之憂也今王之攻

楚不亦失乎且王攻楚之日則惡出兵惡安也王將藉

路於仇讐之韓魏乎兵出之日而王憂其不反也是

王以兵資於仇讐之韓魏資猶與王若不藉路於仇讐

之韓魏必攻隨陽右壤此皆廣川大水山林谿谷不

食之地王雖有之不為得地是王有毀楚之名無得

地之實也且王攻楚之日四國必衍應字悉起應王齊趙

魏韓也方言南攻故不及燕應言以兵從之蓋躡秦也秦楚之兵補構而不離

魏氏將出兵而攻留屬楚國方與方與胡陵屬山陽鉅胡陵碭

蕭相碭屬梁國餘屬沛故宋必盡七邑故地齊人南面泗水必

舉

濟陰乘氏注泗水入淮魯國十縣注入沛

此皆平原四達膏腴之地也

而王使之獨攻

秦與楚戰不暇救七邑及泗北故二國攻之兵勢無所分也

王破

楚於以肥韓魏於中國而勁齊韓魏之強足以校於

秦矣

校較同直也言與之敵

而齊南以泗為境東負海

負與抱反背也

北倚河而無後患天下之國莫強於齊齊魏得地葆

利

葆保同

而詳事下吏

事猶治

一年之後為帝若未能於

以禁王之為帝有餘

禁制也

夫以王壤土之博人徒之

衆兵革之強而注地於楚

注猶屬言地廣

詘令韓魏

詘猶反

歸



帝重於齊是王失計也臣為王慮莫若善楚秦楚合

而為一以臨

元作臨以

韓韓必授首

言其服而請誅

王襟以山東

之險

蔽障如襟

帶以河曲之利

圍遶如帶

韓必為關中之候

比之

候

若是王以十萬

補戍

元作

鄭梁氏寒心

戰懼則然

許鄩

陵

並屬潁川

嬰城上蔡召陵

並屬汝南

不往來也

韓魏不通

如此而

魏亦關內候矣王一善楚而關內二萬乘之主注地

於秦

元作齊

齊之右壤可拱手而取也

拱斂手

是王之地

一注

元作任

兩海

東南

要絕天下也

要謂中

是燕趙無齊楚

齊楚

補此二字

無燕趙也然後危動燕趙

以危亡之事恐動之

持齊

楚

持劫之也

此四國者不待痛而服矣

痛言攻伐之酷春申傳有

段產

秦人

謂新城君

韓襄十二年注平戎也

曰夫宵行者能無為奸

而不能令狗無吠已今臣處郎中

郎廡同漢官表注主郎內諸官

能

無議君於王而不能使人毋議臣於君願君察之也

元在韓策魏昭

策白圭語同

段干越人

凡段干皆魏人今在秦

謂新城君曰王良之弟子駕

趙良

簡子御駕馬在車下負軛

云取千里

其言然

馬遇造父之弟子

造父周穆

王之御不得與王良同時然學出於造父者得稱為其弟子非必與之同時也造父之弟子

曰馬不千里不能然王良弟子曰馬千里之馬也服千

里之服也駕車馬四兩服在中央夾轅兩騂在旁見大叔子田言馬言服馬豈騂耶而不

能取千里何也曰子繆牽長經索也以牽馬故繆牽於事萬

分之一也而難千里之行今臣雖不肖於秦亦萬分

之一也而相國見臣戎未嘗相以其得國事稱之不釋塞者言障之於

王不是繆牽長也亦在韓策詳二臣之言則戎之寵少衰矣故范雎得而間之

范子名雎字叔後封應侯凡范皆晉舊姓故史云魏人因王稽秦謁者令時使魏還入秦

獻書昭王曰臣聞明主莅正

史作政字通

有功者不得不

賞有能者不得不官勞大者其祿厚功多者其爵尊

能治衆者其官大故不能者不敢當其職焉能者亦

不得蔽隱使以臣之言為可則行而益利其道

利猶達

若將弗行則久留臣無謂

元作為

也語曰人主賞所愛

而罰所惡明主則不然賞必加於有功刑必斷於有

罪今臣之胷不足以當椹質

集韻椹斫木鎖鎖鐵椹質鎖同

要不足

以待斧鉞

鉞亦斧也

豈敢以疑事嘗試於王乎

嘗亦試也

雖以

臣為賤而輕辱臣獨不重任臣者後無反覆於王前

耶

保任人必保其後後不如言則為反覆此任人者所重也王豈得輕之

臣聞周有砥

厄宋有結綠梁有懸黎楚有和璞

卞和之璞皆美玉名

此四寶

者工之所失也

失謂不能別之故卞和三刑也

而為天下名器然則

聖主之所棄者獨不足以厚國家乎

厚言使之重

臣聞善

厚家者取之於國善厚國者取之於諸侯

皆取其

天下

有明主則諸侯不得擅厚矣是何也為其凋榮也

凋傷

也榮艸華也此喻厚重彼有擅之則此無有

良醫知病人之死生聖王明

於成敗之事利則行之害則舍之疑則少嘗之雖堯

舜禹湯復生弗能改已語之至者臣不敢載之於書

其淺者又不足聽也意者臣愚而不闔於王心耶闔合

同亡元作已其言臣者亡其猶得無將賤而不足聽耶非若

是也則臣之志絕句願少賜游觀之閒閒暇隙也望見足下

不斥王故指其足下之人猶陛下也而入之書上秦王說之因謝王稽

說且謝且說其未用之故使人持車召之唯傳有

范雎至秦王庭迎范雎曰寡人宜以身受令久矣今者

義渠之事急

蓋脩李帛之怨

寡人日自請太后今義渠之事

已寡人乃得以身受命躬竊閔然不敏

閔猶傷敏疾也自傷其見

雖之

敬執賓主之禮范雎辭讓是日見范雎見者

下見

賢遍切

無不變色易容者秦王屏左右

博雅屏除也此謂去之

宮

中虛無人秦王跪而請曰先生何以幸教寡人

以教之為

寵范雎曰唯唯有間

亦隙也

秦王復請范雎曰唯唯若

是者三秦王跽曰

長跪也

先生不幸教寡人乎范雎謝

曰非敢然也臣聞始時呂尚之遇文王也身為漁父

而釣於渭陽之濱耳

渭水出隴西首陽此渭水之陽詩匡咸陽之地

若是者

交疏也

絕句

已一說而立為太師載與俱南歸者其言

深也故文王果收功於呂尚卒擅天下而身立為帝

王即使文王疏呂望而弗與深言是周無天子之德

而文武無與成其王也今臣羈旅之臣也交疏於王

而所願陳者皆匡君臣之事處人骨肉之間

處猶在也謂欲

言太后及穰侯等

願以陳臣之陋忠而未知王心也所以王

三問而不對者是也臣非有所畏而不敢言也知今



日言之於前而明日伏誅於後然臣弗敢畏也大王

信行臣之言死不足以為臣患亡不足以為臣憂漆

身而為厲

音賴惡疾也

被髮而為狂不足以為臣恥五帝

之聖而死三王之仁而死五霸之賢而死烏獲之力

而死

秦紀烏獲武王力士然自孟子時稱之則其以力聞久矣

奔育之勇而死

史注

孟奔育皆勇士育之力能舉千鈞

死者人之所必不免處必然之勢

可以少有補於秦此臣之所大願也臣何患乎伍子

胥索載而出昭關

楚關名

夜行而晝伏至於菱夫

地缺

無

以餌其口坐行蒲服

匍匐同  
飢困故

乞食於吳市

胥傳在丹  
陽溧陽

卒興吳國闔閭為霸使臣得進謀如伍子胥加以以

幽囚終身不復見是臣說之行也臣何憂乎箕子接

輿

高士傳楚人  
陸通字接輿

漆身而為厲被髮而為狂無益於殷

楚使臣得同行於箕子接輿漆身可以補所賢之主

是臣之大榮也

二子無補於時猶為之今  
為而有補故特以為榮

臣又何恥

乎臣之所恐者獨恐臣死之後天下見臣盡忠而身

廢也

廢僵也

是以杜口裹足莫肯即秦耳

即就也

足下上

畏太后之嚴下惑奸臣之態居深宮之中不離保傅之手

女保女傅非大臣也

終身闇惑無與照奸大者宗廟滅覆

小者身以孤危此臣之所恐耳若夫窮辱之事死亡之患臣弗敢畏也臣死而秦治賢於生也秦王跪曰先生是何言也夫秦國僻遠寡人愚不肖先生乃幸至此此天以寡人恩先生

恩溷同亂也濁貌

而存先王之廟也寡人得受命於先生此天所以幸先王而不棄其孤也先生奈何而言若此事無大小上及太后下至

大臣願先生悉以教寡人無疑寡人也范雎再拜秦

王亦再拜范雎曰大王之國北有甘泉谷口

文紀注  
在雲陽

雲陽屬  
馮翊

南帶涇渭

涇水出安  
定涇陽

右隴蜀

隴西有隴  
坻即隴坂

左關

坂

函谷關  
隴坂

戰車千乘奮擊百萬以秦卒之勇車騎之

多以當諸侯譬若施韓盧

俊犬名博物志  
韓有黑犬名盧

而逐鷩兔

也

鷩言其  
不俊

霸王之業可致今反閉關

補

而不敢窺兵

於山東者是穰侯為國謀不忠而大王之計有所失

也王曰願聞所失計雎曰大王越韓魏而攻強齊非

計也少出師則不足以傷齊多之則害於秦臣意王

之計

以意測之

欲少出師而悉韓魏之兵則不義矣

義宜也巳

少出師而使人悉出非宜也

今見與國之不可親與謂韓魏越人之國

而攻可乎疏於計矣昔者齊人伐楚

閱二十三年敗楚重立大有功

戰勝破軍殺將再辟千里

辟拓地也

膚寸之地無得者

集韻

側手曰扶通作膚春秋傳膚寸而合

豈齊不欲地哉形弗能有也諸侯

見齊之罷露

罷疲同在野曰露

君臣之不親舉兵而伐之

魏昭

十二年與秦趙韓燕伐齊敗之

主辱軍破為天下笑所以然者以其

伐楚而肥韓魏也此所謂藉賊兵而齎盜食者也王

不如遠交而近攻得寸則王之寸得尺亦王之尺也

今舍此而遠攻不亦繆乎且昔者中山元作山中之地方

五百里趙獨擅之武靈二十七年亡中山功成名立利附焉元作

則今從史天下莫能害此言近攻之利今韓魏中國之處而天下

之樞也言出入來往所由王若欲霸必親中國而以為天下

樞以威楚楚強則楚附楚強則趙附言雖不能兼制必有一附

楚趙附則齊必懼懼必卑辭重幣以事秦齊附而韓

魏可虛也

可使為丘墟

王曰寡人欲親魏魏多變之國也

寡人不能親請問親魏奈何范雎曰卑辭重幣以事

之不可削地而賂之不可舉兵而伐之

彪謂遠交近攻雖之策當

矣語未卒而復欲親之既親之又欲伐之立談之間矯亂如此使人主何適從乎若曰某某為上某次之

其可也於是舉兵而攻邢丘

在河南平輿

邢丘拔

四十四年夏取邢丘

而魏請附曰

雎復說也

秦韓之地形相錯如繡秦之有韓

若木之有蠹人之病心腹天下有變為秦害者莫大

於韓王曰寡人欲收韓韓

補

不聽為之奈何范雎曰

舉兵而攻滎陽屬河南則成臯之路不通北斬太行之

道

河內山陽皆有此山晉隘也

則上黨之兵不下一舉而攻宜陽

則其國斷而為三

衍魏字

韓見必亡焉得不聽韓聽而

霸事可成也王曰善

魏傳有按史拔邢丘在魏說後二年此三十八年也攻宜陽

說亦在拔邢丘前則此邢丘拔要終言之也

范雎曰臣居山東聞齊之內有田單

齊之疏屬後為相封安平君史云田

文非也文去齊至是已二十餘年不得近舍單遠論文也

不聞其有王聞秦之有

太后穰侯涇陽

昭王母弟

華陽不聞其有王夫擅國之謂



王

禮專也

能專利害之謂王制殺生之威之謂王今太

后擅行不顧

不顧王也

穰侯出使不報

報猶白也言不白王而擅遣使於外

涇陽華陽擊斷無諱

擊斷謂刑人無諱言不避王

四貴備而國不

危者未之有也為此四貴下乃所謂無王已然則權

焉得不傾而令焉得從王出乎臣聞善為國者內固

其威而外重其權穰侯使者操王之重決裂諸侯

謂分

剖其地剖符於天下

剖猶分符信也謂軍符漢制以竹長六寸分而相合

征敵伐

國莫敢不聽戰勝攻取則利歸於陶國敝御於諸侯

國謂秦御言  
為諸侯所制

戰敗則怨結於百姓而禍歸社稷詩曰

木實繁者

實木子

披其枝

披謂  
視之

披其枝者傷其心

逸詩

大

其都者危其國

此因詩  
中之也

尊其臣者卑其主淖齒

楚將  
楚使

救齊因  
相之

管齊之權

管猶管權之  
管專之也

縮閔王之筋縣之廟

梁宿昔而死

集韻宿夜也通作  
昔事在閔四十年

李兑用趙滅食主父

滅主  
父食

百日而餓死

趙惠文  
四年

今秦太后穰侯用事高陵

亦昭王  
母弟

涇陽佐之卒無秦王此亦淖齒李兑之類已

臣今見王獨立於朝廟矣且臣將恐後世之有秦國

者非王之子孫也秦王懼於是乃廢太后逐穰侯出

高陵走涇陽於關外

此四十二年

昭王謂范雎曰昔者齊

公得管仲時以為仲父今吾得子亦以為父

有 賈傳

應侯謂昭王曰亦聞恒思

地缺

有神叢與

灌木中有神靈託之

恒思

有悍少年請與叢博

局戲也六著十二碁

曰吾勝叢叢藉吾神

三日

以神靈借我

不勝叢叢困我乃左手為叢投

班固奕指曰博

懸於技不必慧巧駟曰投投瓊

右手自為投

右強而使欲自取勝

勝叢叢藉其

神三日叢往求之遂弗歸五日而叢枯七日而叢亡

今國者王之叢執者王之神藉人以此得無危乎臣

未嘗聞指大於臂臂大於股若有此則病必甚矣百

人輿瓢而趨

負之如輿載物

不如一人持而走疾百人誠輿

瓢瓢必裂

以爭持者衆

今秦國華陽用之穰侯用之太后

用之王亦用之不稱瓢為器則已

稱猶等也謂比國於瓢

稱瓢

為器國必裂矣臣聞之木實繁者枝必披枝之披者

傷其心都大者危其國臣強者危其主其令邑中自

斗食以上

漢官表注歲俸不滿百斛計日而食一斗二升

至尉內史

秦有郡尉有內

史郡國官也

及王左右有非相國之人者乎

相國穰侯

國無事

則已國有事臣必見王獨立於庭也臣竊為王恐恐

萬世之後有國者非王子孫也臣聞古之善為政者

其威內扶

扶猶持也言不顛仆

其輔外布

輔謂股肱之臣

而元作四

治政

不亂不逆使者直道而行不敢為非今太后使者分

裂諸侯而符布天下操大國之勢強徵兵伐諸侯戰

勝攻取利盡歸於陶國之幣帛竭入太后之家境內

之利分移華陽古之所謂危主滅國之道必從此起

三貴竭國以自安

據上文不及  
涇陽高陵

然則令何得從王出

權何得毋分是

衍我字

王果處三分之一也

彪謂人君  
生事之所

嚴有母而已范睢說昭王乃以太后為稱首  
恐哉君子所以進其身豈捨此獨無說乎

秦昭王謂左右曰今日韓魏孰與始強對曰弗如也王

曰今之如耳

魏人

魏齊

魏相

孰與孟嘗

先時相

芒卯之賢

不信

韓人魏  
主兵也

對曰弗如也王曰以孟嘗芒卯之賢帥強韓

魏之兵以伐秦猶無奈寡人何也今以無能之如耳

魏齊帥弱韓魏以攻秦其無奈寡人何亦明矣中期

武王時已出此人至是四十四五年矣

推琴對曰王之料天下過矣

料量

也昔者六晉之時

智范中行韓魏趙晉卿也實分晉國

智氏最强滅破

范中行又帥韓魏以圍趙襄子於晉陽決晉水

出晉陽

以灌晉陽城不沈者三板耳

板高二尺

智伯出行水

行去音按

視也韓康子御魏桓子驂乘

徐無鬼疏在左為驂在右為御

智伯曰始

吾不知水之可亡人之國也乃今知之汾水利以灌

安邑

汾水出汾陽屬河東

絳水利以灌平陽

絳水平陽並屬河東

魏桓子

肘韓康子

不敢正語以肘築之

康子履魏桓子躡其踵

躡蹈踵跟也

肘足接於車上而智氏分矣身死國亡為天下笑今

秦之強不能過智伯韓魏雖弱尚賢其在晉陽之下

也此乃方其用肘足時也願王之勿易也

彪謂此賢人君子之

言也人君閒暇宜數聞之魏釐十一年有此四  
十一年也以在取邢丘下故不可先范雎事

秦宣太后愛魏醜夫

魏人仕秦

太后病將死出令曰為我葬

必以魏子為殉

以人從  
莫曰殉

魏子患之庸芮

秦人

為魏子說

太后曰以死者為有知乎太后曰無知也曰若太后

之神靈明知死者之無知矣何為空以生所愛葬於



無知之死人哉若死者有知先王積怒之日久矣太  
后救過不贍何暇乃私魏醜夫乎太后曰善乃止

后死

在四十

二年

秦攻韓圍陘

傳四年次于陘注楚地潁川邵陵南有郢  
亭此時屬韓韓桓惠九年秦拔我陘此四

十三年也 范雎謂秦昭王曰有攻人者有攻地者穰侯十

攻魏而不得傷者非秦弱而魏強也其所攻者地也  
地者人主所甚愛也人主者人臣之所樂為死也攻  
人主之所愛與樂死者鬪故十攻而弗勝也今王將

攻韓圍陘臣願王之毋獨攻其地而攻其人也王攻

韓圍陘以張儀為言

儀死至腹之相四十四年矣儀亦未嘗在韓此必誤

張儀

之力多且割

元作削

地而以自贖於王幾割地而韓不

盡張儀之力少則王逐張儀而更與不如儀者市

不智

如耳非力也

則王之所求於韓者盡可得也

應侯曰鄭人謂玉未理者璞周人謂鼠未腊者朴周人

懷朴

元作璞

過鄭賈曰欲買朴乎鄭賈曰欲之出其朴

乃鼠也因謝不取

謝辭去也

今平原君

趙公子勝惠文王弟後相茅成見魏

無忌 傳 自以賢顯名於天下然降其主父沙丘而臣之

降貶損之也鉅鹿有沙丘亭趙記不書此未詳 天下之王尚猶尊之是天下

之王不如鄭賈之智眩於名眩目無常主也故為惑 不知其實

也

天下之士合從相聚於趙而欲攻秦秦相應侯曰王勿憂也請令廢之秦於天下之士非有怨也相聚而攻秦者以已有富貴耳王見大王之狗卧者卧起者起行者行止者止毋相與鬪者投之一骨輕起相牙者

輕猶忽也牙  
言以牙相噬

何則有爭意也於是使補唐睢載音

樂予之五千金居武安

屬魏郡趙奢傳  
注在邯鄲西

高會

高紀注  
大會也

相與飲謂邯鄲人

邯鄲趙  
國都

誰來取者於是其謀者固

未可得予也

用金少故未  
能動謀者

其可得予者與之昆弟矣

謀人之  
昆弟

公與秦計功者

應侯教  
唐睢云

不問金之所之金盡

者功多矣今令人復載五千金隨公唐睢行至武安

散不能三千金天下之士大相與鬪矣

士得金復為秦  
故其謀不協

謂應侯曰君禽馬服君乎

趙括也  
其父稱

曰然又即圍邯鄲

乎

四十八年十月

曰然曰

補

趙亡秦王王矣武安君為三公

武安君所以為秦戰勝攻取者七十餘城南亡鄢郢

漢中

南郡宜城注故鄢江陵注郢都又郢故郢

禽馬服之軍不亡一甲雖

周呂望之功亦不過此矣趙亡秦王王武安君為三公君能為之下乎雖欲無為之下固不得之矣秦嘗

攻韓邢

趙國襄國注故邢國此字當作郢

困於上黨上黨之民皆返

為趙

馮亭事

天下之民不樂為秦民之日固久矣今攻

趙北地入燕東地入齊南地入楚魏則秦所得不能

元作  
一 幾何故不如因而割之  
許趙割地來和  
因以為武安功

如是則起無大  
功雖不為之下

應侯失韓之汝南

豫州郡近應國  
應侯嘗取得之

秦昭王謂應侯曰君

亡國其憂乎應侯曰臣不憂王曰何也曰梁人有東

門吳者其子死而不憂其相室  
室家之相此女也男曰家老  
曰公

之愛子  
衍也  
天下無有今子死而不憂何也東門吳

曰吾嘗無子無子之時不憂今子死乃即與無子時

同也臣奚憂焉臣亦嘗為子  
此臣應侯子餘子也此時無地  
為子時

不憂今亡汝南乃即與

元作與即

為梁餘子同也

大司徒可任之

餘為餘子

臣何為憂秦王以為不然以告蒙傲

秦人

曰今也

寡人一城圍食不甘味卧不便席今應侯亡地而言

不憂此其情也

問其心誠然否

蒙傲曰臣請得其情蒙傲乃

往見應侯曰傲欲死應侯曰何謂也曰秦王師君天

下莫不聞而況於秦國乎今傲勢得為秦王為將

元作

為王將

將兵臣以韓之細也顯逆

言其國小而逆節著

誅奪君地

傲尚奚生不若死應侯拜蒙傲曰願委之卿蒙傲以

報於昭王自是之後應侯每言韓事者秦王弗聽也

以其為汝南虜也

汝南民為韓虜獲者

昭王既息民繕兵復欲伐趙

邯鄲也

武安君曰不可王曰

前年國虛民飢君不量百姓之力求益軍糧以滅趙

今寡人息民以養士蓄積糧食三軍之俸

集韻俸秩祿也

有

倍於前而曰不可其說何也武安君曰長平之事

後志

洺氏有長平亭在上黨郡南山中百二十里亭在此四十七年

秦軍大克

元從寸下同徐鉉曰

勝此物謂之克若尅則殺也

趙軍大破秦人歡喜趙人畏懼秦民



之死者厚葬傷者厚養勞者相饗

鄉人飲酒也

飲食鋪餽

鋪中時食吳謂祭鬼曰餽

以靡其財

其韻靡廢通壞也

趙人之死者不得

收傷者不得療

治也

涕泣相哀勦力同憂

勦并力

耕田疾

作以生其財今王發軍雖倍其前臣料趙國守備亦

以十倍矣趙自長平已來君臣憂懼早朝晏罷卑辭

重幣四面出嫁結親燕魏連好齊楚積慮并心備秦

為務其國內實其交外成當今之時趙未可伐也王

曰寡人既以興師矣乃使

衍五字

校大夫王陵將而伐

趙陵戰失利亡五校

集韻校木為欄格也軍部及養馬用之故軍尉馬官以為號

王欲使武安君武安君稱疾不行王乃使應侯往見

武安君責之曰楚地方五千里持戟百萬君前率數

萬之衆入楚拔鄢郢焚其廟東至竟陵

後志屬江夏起此二十八

年取鄢二十九年取郢

楚人震恐

震劈靈震物也故為恐

東徙而不敢西

向徙陳韓魏相率興兵甚衆君所將之卒

補

不能半之

而與戰之於伊闕

十四年

大破二國之軍流血漂鹵

鹵槽

同大斬首二十四萬韓魏以故至今稱東藩此君之

槽也

功天下莫不聞今趙卒之死於長平者已十七八其

國虛弱是以寡人

雖稱王命故云

大發軍人數倍

元作君

於趙

國之衆願使君將必欲滅之矣君常以寡擊衆取勝

如神況以強擊弱以衆擊寡乎武安君曰是時楚王

頃襄恃其國大不恤其政而羣臣相妬以功諛諂用事

良臣斥踈

集韻斥亦踈

百姓心離城池不脩既無良臣又

無守備故起所以得引兵深入多倍城邑

兵深入城邑在後故

言倍倍

發梁焚舟以專民

梁橋也此皆示以不還使民專於戰也下行以字

掠於郊野

掠奪取

以足軍食當此之時秦中士卒以軍

中為家將帥為父母不約而親不謀而信一心同力

死不旋踵

不反走也

楚人自戰其地咸顧其家各有散心

莫有鬪志是以能有功也伊闕之戰韓孤顧魏

時韓僖侯

立三年耳故稱曰孤

不欲先用其衆魏恃韓之銳

時韓主兵故韓記言率周

魏攻秦魏記言佐韓也

欲推以為鋒

鋒軍之先

二軍爭使之力不同

是以臣得設疑兵以持

元作待

韓陣

持不決戰也

專軍并銳

觸魏之不意魏軍既敗韓軍自潰乘勝逐北

戰敗曰北

以

是之故能立功皆計利形勢

謂人謀地利軍之形勢

自然之理

何神之有哉今秦破趙軍於長平不遂以時乘其振

懼而滅之

振震同以趙畏服遂釋攻

畏而釋之使得耕稼以益蓄

積養孤長幼以益其衆繕治兵甲以益其強增城浚

池以益其固主折節以下其臣

屈折肢節

臣推體以下死

士

推體猶委質

至於平原之屬皆令妻妾補縫於行伍之

間臣人一心上下同力猶勾踐困於會稽之時也以

今伐之趙必固守挑其軍戰

挑推挑也挑敵求戰

必不肯出圍

其國都必不可克攻其列城必未可拔掠其郊野必  
無所得兵出無功諸侯生心外救必至臣見其害未  
覩其利又病未能行應侯慙而退以言於王王曰微  
白起吾不能滅趙乎復益發軍更使王齮代王陵伐  
趙圍邯鄲八月死傷者衆而弗下趙王孝出輕銳  
以寇其後秦數不利武安君曰不聽臣計今果如何  
王聞之怒因見武安君強起之曰君雖病強為寡人  
卧而將之有功寡人之願將加重於君如君不行寡

人恨君武安君頓首曰臣知行雖無功得免於罪雖不行無罪不免於誅然惟願大王覽臣愚計釋趙養民以諸侯之變撫其恐懼伐其僇慢誅滅無道以令諸侯天下可定何必以趙為先乎此所謂為一臣屈而勝天下也大王若不察臣愚計必欲快心於趙以致臣罪此亦所謂勝一臣而為天下屈者也夫勝一臣之嚴焉嚴猶威孰若勝天下之威大耶臣聞明主愛其國忠臣愛其名破國不可復完死卒不可復生臣

寧伏受重誅而死不忍為辱軍之將

軍敗則辱此所謂愛名

願

大王察之王不答而去

事在四十八年及五十年元在中山策之末彪謂起之

策秦楚三晉可謂明切然人臣無以有已故孔子不俟駕行矣長平之敗屬耳趙何遽能益強以起之材智知己知彼而得策多不幸至於無功極矣何破國辱軍之有三請不行此自抽杜郵之劍也

秦攻邯鄲七月不下莊

人名也

謂王稽曰君何不賜軍

吏乎王稽曰吾與王也不用人言莊曰不然父之於

子也令有必行者必不行者曰去貴妻賣愛妾此令

必行者也因曰毋敢思也此令必不行者也守閭媪



曰也姬母曰某夕某孺子

孺乳子也婦之當乳者亦婦人之美稱齊策王有七孺子

內某士

內私之也言姬之言亦有必行者

貴妻已去愛妾已賣而心

不有

有猶欲也言父雖令之而非其所欲故令之勿思則必不行

欲教之者人心

固有

教猶告也孺子內士人心固欲其告雖非至親令必行也

今君雖幸於王不

過父子之親

言王之令亦能奪其所貴愛有不必行者

軍吏雖賤不卑於

守閭姬

言且告稽

且君擅主輕下之日久矣聞三人成虎

即魏策龐蔥所稱者

十夫揉椎

揉屈中木也

衆口所移毋翼而飛故

曰不如賜軍吏而禮之王稽不聽軍吏窮果惡王稽

杜摯以反

摯稽之副也。雖傳言稽與諸侯通則此所惡亦其實也。

秦王大怒而

欲兼誅范雎

稽始薦雎。雎後任稽守河東。

范雎曰：臣東鄙之賤人

也。

魏在秦東。

開罪於

衍楚字。

魏

開言始得罪。

遁逃

來奔，臣無諸侯

之援，親習之故。

習猶狎，故舊也。言非王近習之舊。

王舉臣於羈旅之

中，使職事。

職猶主。

天下皆聞臣之身與王之舉也。今愚

元作過惑

行或字。

與罪人同心

罪人謂王稽。

而王明誅之，是王

過舉

過猶誤也。昔舉而今誅之，是舉之誤。

顯於天下而為諸侯所議也。

臣願請藥賜死而恩以相葬。

既殺之而加恩以國相禮葬之。

王必

不失臣之罪

已殺之

而無過舉之名王曰有之

然其過舉之言

遂弗殺而善遇之

秦攻趙蘇子謂秦王曰臣聞明王之於其民也博論而

技藝之

試之以事

是故官無乏事而力不困於其言也多

聽而時用之是故事無敗業而惡不章臣願王察臣

之所謁而効之於一時之用也臣聞懷重寶者不以

夜行任大功者不以輕敵是以賢者任重而行恭智

者功大而辭順

皆不伐也

故民不惡其尊而世不妬

元從女從

后 其業臣聞之百倍之國者

謂地廣也

民不樂後也

爭先附之

功業高世者人主不再行也

一舉成之不待後

力盡之民仁

者不用也求得而反靜

復於無事

聖王之制也功大而息

民用兵之道也今用兵終身不休力盡不罷怒趙

元

趙怒必於其已邑

必欲戰服使為已邑

趙僅存哉

言所存無幾

然而四

輪之國也

輪猶通言其民於適四方無所不通故下言從而不止

今雖得邯鄲

非國之長利也

時攻邯鄲不破故曰今雖

意者地廣而不耕民羸

而不休又嚴之以刑罰

新民未服故

則雖從而不止矣

且言

去語曰戰勝而國危者物不斷也

物事也斷猶止言戰事不止

功

大而權輕者地不入也故過任之事父不得於子

雖父

責之其子使必為不可得也

無已之求君不得於臣故微之為著

者強察乎息民之為用者霸明乎輕之為重者王

不伐

人人所輕也重莫大焉

秦王曰寡人案兵息民則天下必為從

將以逆秦蘇子曰臣有以知天下之不能為從以逆

秦也臣以田單如耳為大過也豈獨田單如耳為大

過哉天下之主亦盡過矣夫慮收亡齊

言世主志慮欲爾

罷

楚並音疲敝魏與不可知之趙未亡而有亡形欲以窮秦折韓

臣以為至愚也夫齊威宣者世之賢主也德博而地

廣國富而民用民為之用元作用民將武而兵強宣王用之後

破元作富韓威魏以南伐楚西攻秦補為齊兵困於

殺函之上十年攘地攘推也猶拓秦人遠迹不服遠迹畏而避之

也然終不服而齊為虛度戰敗其地為墟其民為度度疾也按齊記及表不書秦敗齊惟

秦紀惠十二年東攻齊昭二十二年伐齊河東為九縣三十六年攻齊取壽剛不至是也此樂毅入臨淄

之役也秦與五國共敗之夫齊兵之所以破韓魏之所以僅存者

何也

破韓魏宜能強而適足自存者何

是則伐楚攻秦而後受其殃

也今富非有齊威宣之餘也

今謂世主

精兵非有富韓勁

魏之庫也而將非有田單司馬之慮也

司馬穰苴以齊言之耳非

威宣將

收破齊罷楚敝魏不可知之趙欲以窮秦折韓

臣以為至誤臣以從一

合從為一

不可成也客有難者今

臣有患於世

難者如刑名家蘇子所患也

夫刑名之家

申韓之徒

皆曰

白馬非馬也已如白馬實馬乃使有白馬之為也

如使

白馬實馬必有白馬之為而天下之馬不皆為白馬故曰非馬

此臣之所患也

言難者皆

無端若此故可患  
而今非若此也

昔者秦人下兵攻懷屬河服其人

三國從之

趙趙奢齊鮑  
佞并楚為三

趙奢鮑佞將

絕

楚有四人

不

告起而從之臨懷而不救秦人去而不從

趙鮑楚四  
人本起救

懷而不救又聽秦  
之自去不隨擊也

不識三國之憎秦而愛懷耶亡其

憎懷而愛秦耶

亡其猶  
無亦云

夫攻而不救去而不從是以

知補

三國之兵困而趙奢鮑佞之能也

以不救不從  
為能知秦之

不可當也故裂地以敗於齊

此下申言上  
殺函之敗

田單將齊之良

以兵橫行於中十四年終身不敢設兵以攻秦折韓



也而馳於封內

言不出戰所謂橫行於中

不識從之一成惡存也

於是秦王解兵不出於境諸侯休天下安二十九年

不相攻

以此策為蘇秦合從時則所稱趙奢惠文孝成將也蘇秦不當稱之自昭迨始皇定天下

無年不戰則天下不相攻之說不可曉也今定為孝成九年邯鄲圍後說是後秦獨攻取兩周猶息兵五

六年前此後此

皆無解兵之事

說秦王

此上元有張儀字而所說皆儀死後事故刪去說云者猶西周謂齊王之比

曰臣聞

之弗知而言為不智知而不言為不忠為人臣不忠

當死言不審亦當死

審悉也

雖然

言已未

臣願悉言所

聞

悉詳盡也

大王裁其罪

裁制也

臣聞天下陰燕陽魏

陰北陽南

連荆

楚也始皇諱其父名故稱曰荆知此書始皇時人作

固齊

時山東國齊楚為大故從人連

結之恃以為固

收餘韓

韓時弱多喪地今存者其餘也

成從將西南以與秦

為難

報五十九年與諸侯從此五十一年

臣竊笑之世有三亡而天下

得之其此之謂乎

此謂從

臣聞之曰以亂攻治者亡以

邪攻正者亡以逆攻順者亡今天下之府庫不盈

府文

書藏庫兵車藏今詳凡有藏者皆得稱也

困倉空虛

困園廩

悉其士民張軍

數千百萬

張去音

白刃在前斧質在後

諫不進戰者故在後

而皆

去之不能死

不戰也

非

元作罪

其百姓不能死也其上不

殺也

言亦殺之

言賞則不與言罰則不行賞罰不行故民

不死也今秦出號令而行賞罰不攻耳

補

無相攻

元作

攻事也

言秦有不攻耳無敢與相攻者

出其父母懷衽之中

衽衣

生

未嘗見寇也聞戰頓足徒裼

此頓下也集韻徒空手裼袒也

犯白刃

蹈煨炭

煨盆中火

斷死於前者

以死自斷

比比

元只一字

是也

如是者相次不一

夫斷死與斷生也不同

言死難

而民為之者

是貴奮也

奮言勇不顧死

一可以合十

與敵合闕

十可以合百百

可以合千千可以合萬萬可以勝天下矣今秦地形

斷長續短方數千里名師數百萬

名言有勇  
決之稱

秦之號

令賞罰地形利害天下莫如也

秦有斷死之利諸侯  
有不死之害故不如

秦以此與天下

與言與  
之爭

天下不足兼而有也是知秦

戰未嘗不勝攻未嘗不取所當未嘗不破也

當相  
值也開

地數千里此甚大功也然而甲兵頓

此頓言  
其勞弊

士民病

蓄積索

集韻索  
盡也

田疇荒

疇耕治  
之田

困倉虛四鄰諸侯不

服霸王之名不成此無異故

猶言無  
它事

謀臣皆不盡其

忠也臣敢言往昔昔者齊南破荆中破宋

閏二十八年

西

服秦

荆秦事未詳

北破燕

十五年

中使韓魏之君

兩國從其後

地

廣而兵強戰勝攻取詔令天下

以詔令今天下時未稱詔此秦史之言耳

濟清河濁足以為限

東郡壽張注涑上有胸城又平原有禹津般河皆近齊

長

城鉅防足以為塞

蘇秦傳注濟北盧有防門又有長城東至海後志注防門即鉅防

齊五戰之國也

上所謂南破中破之類

一戰不勝而無齊

燕昭入臨

事故由此觀之夫戰者萬乘之存亡也且臣聞之曰

削株掘根無與禍鄰禍乃不存秦與荆人戰大破荆

襲郢取洞庭五都江南

揚州記太湖一名湖亭一名震澤一名洞庭熊繹按楚熊

繹都丹陽文王徙江陵是為郢都昭王徙郢所謂故郢又自郢徙都與郢為五史多言郢郢齊策郢郢者

楚之柱國知郢亦為都江南即漢志楚地所謂江南地遠者也荆王項亡走東伏於

陳

見白起傳

當是之時隨荆以兵則荆可舉

拔其國如舉物然言易也

舉荆則其民足貪也地足利也東以強齊燕強於二國中

陵三晉然則是一舉而霸王之名可成也舉猶行四鄰

諸侯可朝也

使之朝秦

而謀臣不為引軍而退與荆人和

令荆人收亡國聚散民立社主

為木社

置宗廟今帥天

下西面以與秦為難此固已無霸王之道一矣天下

有比志

比密也言其志親

而軍華下

即華陽之所

大王以詐破之

兵至梁都

元作郭

圍梁數旬則梁可拔拔梁則魏可舉

梁以都言魏全國也

舉魏則荆趙之志絕

魏居二國之中而為與國故舉魏則二國

不通荆趙之志絕則趙危

趙尤近秦

趙危而荆孤東以強齊

燕中陵三晉然則是一舉而霸王之名可成也四鄰

諸侯可朝也而謀臣不為引軍而退與魏氏和令魏

氏收亡國聚散民立社主置宗廟此固已無霸王之

道二矣前者穰侯之治秦也用一國之兵而欲以成

兩國之功

秦及穰侯所封也如封壽剛以廣陶之類

是故兵終身暴露於

外士民潞病於內

潞即露耳故高注為羸

霸王之名不成此固

已無霸王之道三矣趙氏中央之國也雜民之所居

也其民輕而難用也

輕則其志不堅

號令不治賞罰不信地

形不便

無險隘故

上非能盡其民力彼固亡國之形也而

不憂民氓

在野曰氓

悉其士民軍於長平之下以爭韓之

上黨

馮亭事

大王以詐破之拔武安

此殺趙括事在四十七年

當是



時趙氏上下不相親也貴賤不相信也然則是邯鄲

不守拔邯鄲完河間

冀州國完之者欲急取修武上黨諸郡置之去也

引軍

而去西攻修武

屬河內

踰羊腸降代上黨代三十六縣

上黨十七縣不用一領甲不苦一民皆秦之有也代

上黨不戰而已為秦矣東陽

屬清河

河外

滹沱河之外

不戰

而已反為齊矣

此本趙所得齊地今趙弱故齊復取之取之則益弱矣

中呼沱

元作以北

中言中分之呼沱在代南城

不戰而已為燕矣

燕乘敗取之

然則是舉趙則韓必亡韓亡則荆魏不能獨立荆魏

不能獨立則是一舉而壞韓蠹魏

蠹者病其中也

挾荆以東

弱齊燕決白馬之口

張儀傳守白馬之津津在東郡

以流魏氏

流猶灌

一舉而三晉亡從者敗

合從者

大王拱手以須

須胥同待也

天下徧隨而伏霸王之名可成也而謀臣不為引軍

而退與趙氏為和以大王之明秦兵之強霸王之業

謂先世所創

地尊不可得

地與相王之尊

乃取欺於亡國

亡國以長平之

趙敗言

是謀臣之拙也且夫趙當亡不亡秦當霸不霸

天下固量秦之謀臣一矣乃復悉卒以攻邯鄲不能

拔也棄甲兵怒戰慄而却

且怒且懼而退

天下固量秦力二

矣軍乃引退并於李下

後志河內有李城趙封李同之父於此

大王又

并軍而致與戰

致言極力

非能厚勝之也

厚猶大

又交罷却

交言秦與趙俱罷兵而退

天下固量秦力三矣內者量吾謀臣外

者極吾兵力

極言度其力之所至

由是觀之臣以天下之從

合從

也豈其難矣內者吾甲兵頓士民病蓄積索田疇荒

困倉虛外者天下比志甚固願大王有以慮之也且

臣聞之戰戰慄慄日慎一日苟慎其道天下可有也

何以知其然也昔者紂為天子

元作下

帥天下將百萬

左飲於淇谷

河內共淇水所出

右飲於洹水

蘇秦傳注出林慮項紀注在安

陽縣北前後志在良鄉東南

淇水竭而洹水不流

亦竭也

以與周武

為難武王將素甲三千領

絹素為之非金革也

戰一日破紂之

國

以甲子日戰遂克之

禽其身據其地而有其民天下莫不傷

傷殷之亡耳

智伯帥三國之衆以攻趙襄主於晉陽

禮大夫稱

主 決水灌之三年城且拔矣襄主錯龜

錯措同置也

數策

以著筮也

占兆

灼龜拆處曰兆

以視利害何國可降

三國中孰為可降

而

使張孟談

趙之謀臣

於是潛行而出反智伯之約

使韓魏背之

得兩國之衆以攻智伯之國禽其身以成襄子之功

今秦地斷長續短方數千里名師數百萬秦國號令

賞罰地形利害天下莫如也以此與天下天下可兼

而有也臣昧死

自言不知死所

望見大王言所以舉破天下

之從

一舉

舉趙亡韓

舉亦拔也

臣荆魏親齊燕

二國去秦遠未可加

兵故親之以寬兵力其後秦滅諸國二國獨後亡以此故也

以成霸王之名朝四

隣諸侯之道大王試聽其說一舉而天下之從不破

趙不舉韓不亡荆魏不臣齊燕不親霸王之名不成

四鄰諸侯不朝大王斬臣以徇於國

徇行以示人也

以主不

忠於國者

主言以為首惡虜謂此士論事深切著明孫卿不如秦所以取天下蓋行其說也而

史夫其人猥以張儀名之惜哉所稱謀臣范雎也

蔡澤

燕人

見逐於趙而入韓魏過奪釜鬲於涂

人奪之也爾雅鬲鼎

也聞應侯任鄭安平

魏齊困范雎安平匿之時安平擊趙以二萬人降趙

王稽

通諸侯也

皆負重罪應侯內慙乃西入秦將見昭王使人

宣言以感怒應侯曰燕客蔡澤天下駿雄弘辯之士

也彼一見秦王秦王必相之而奪君位應侯聞之使人召蔡澤蔡澤入則揖應侯應侯固不快及見之又倨應侯因讓之曰子嘗宣言代我相秦豈有此乎對曰然應侯曰請聞其說蔡澤曰吁君何見之晚也夫四時之序成功者去夫人生手足堅強耳目聰明聖智豈非士之所願與應侯曰然蔡澤曰質仁秉義猶質行道施德於天下天下懷樂敬愛願以為君王豈不辯智之期與期猶志也辯智者志期得此應侯曰然蔡澤復曰

富貴顯榮成理萬物

也 理治

萬物各得其所生命壽長

終其年而不夭傷天下繼其統

也 統紀

守其業傳之無

窮名實純粹

言其兩全美

澤流千世稱之而毋絕豈非道

之符

言行道之効

而聖人所謂吉祥善事與應侯曰然澤

曰若秦之商君楚之吳起

衛人仕魏後相楚而死

越之大夫種

姓文越王勾踐之相

其卒亦可願與

元作矣

應侯知蔡澤之欲困

己以說復曰何為不可夫公孫鞅事孝公極身毋二

極身猶竭己

盡公不還私

還反

信賞罰以致治竭智能示



情素

素其所蓄積

蒙怨咎

集韻冢覆也蒙冢同鞅當刑太子之傅知必見怨咎猶冒為之

欺舊交虜魏公子卬

卬則鞅之舊也

卒為秦禽將破敵軍攘

地千里吳起事悼王使私不害公讒不蔽忠言不取

苟合行不取苟容行義不顧

元作固

毀譽必欲

元作有

霸

主強國不辭禍凶大夫種事越王王離困辱

離雁同集韻遣

也悉忠而不解

解懈同

主雖亡絕盡能而不離

離猶去

多

功而不矜貴富不驕怠若此三子者義之至忠之節也故君子殺身以成名義之所在身雖死無憾悔何

為而不可哉。蔡澤曰：主聖臣賢，天下之福也；君明臣忠，國之福也；父慈子孝，夫婦貞家之福也。故比干忠不能存，殷子胥智不能存，吳申生孝而晉惑亂，僂

年是有忠臣孝子，國家滅亂，何也？無明君賢父以聽

之故，天下以其君父為戮辱。

戮，殺也。賤之如刑戮，詬辱之人。

憐其臣

子夫待死而後可以立忠成名，是微子不足仁，孔子不足聖，管仲不足大也。於是應侯稱善，蔡澤得少間

問言有隙可乘

因曰：商君吳起大夫種其為人，臣盡忠致功

則可願矣闕天事文王周公輔成王也豈不亦忠乎

以聖論之商君吳起大夫種其可願孰與闕天周公

哉應侯曰商君吳起大夫種不若也蔡澤曰然則君

之主慈仁任忠

任猶信

不欺舊故孰與秦孝楚悼越王

乎應侯曰未知何如也蔡澤曰主固親忠臣不過秦

孝越王楚悼君之為主正亂批患折難

批挽同匹齊切擊也集韻

挽或作批又蒲結切

廣地殖穀

植種也

富國足家強主威蓋海內

功彰萬里之外不過商君吳起大夫種而君之祿位

貴盛私家之富過於三子而身不退竊為君危之語

曰日中則移月滿則虧物盛則衰天之常數也進退

盈縮變化聖人之常道也昔者齊桓公一匡天下至

葵丘之會

杜注陳留外黃東有葵丘

有驕矜之色畔者九國

僖九年

吳王夫差無敵

元作通

於天下輕諸侯陵

元作凌

齊晉遂

以殺身亡國夏育太史啓

太史周官其人未詳史作史噉豈君王后之父耶

叱呼駭三軍

叱訶也

而身死於庸夫此皆乘至盛不近

道理也夫商君為孝公平權衡正度量調輕重決裂

阡陌教民耕戰是以兵動而地廣兵休而國富故秦

無敵於天下立威諸侯功已成矣補遂以車裂楚地

持戟百萬白起率數萬之師以與楚戰一戰舉鄢郢

再戰燒夷陵屬南郡南并蜀漢又越韓魏攻強趙北坑

馬服誅屠四十餘萬之衆屠言殺之酷流血成川沸聲若

雷使秦業帝有帝之業自是之後趙楚懾服懾失氣也不敢攻

秦者白起之勢也身所服者七十餘城功已成矣賜

死於杜郵起傳注在咸陽西門十里吳起為楚悼罷無能廢無用

損不急之官塞私門之請壹楚國之俗南攻揚越

越屬

揚州北并陳蔡破橫散從使馳說之士無所開其口功

已成矣卒支解

斷其四支按起傳宗室大臣射刺起死

大夫種為越王

墾草剏邑

墾耕剏造也

辟地殖穀

殖植同

率四方之

補

士專

補上下之力以禽勁吳成霸功勾踐終拮而殺之

拮

同轢也蓋逼之楚記言賜劒死

此四子者功成而不去禍至於此

所謂信而不能屈往而不能反者也范蠡知之超然

避世長為陶朱

居陶易姓朱

君獨不觀博者乎或欲

衍分

大授

大言全勝也

或欲分功

分勝者所獲

此皆君之所明知也

今君相秦計不下席謀不出廊廟坐制諸侯利

補施

三川以實宜陽以決羊腸之險塞太行之口又斬范

中行之途

斬謂絕之此言斷三晉之路

棧道千里

棧棚也施於險絕以濟不通

通

補

於蜀漢使天下皆畏秦秦之欲得矣君之功極

矣此亦秦之分功之時也

秦秦人

如時不退

時是也

則商

君白公吳起大夫種是也君何不以此時歸相印讓

賢者授之必有伯夷之廉長為應侯世世稱孤而有

喬松之壽

喬王子晉松赤松子皆仙不死

孰與以禍終哉此則君何

居焉應侯曰善乃延入坐為上客後數日入朝言於

秦昭王曰客新有從山東來者蔡澤其人辯士臣之

見人甚衆莫有及者臣不如也秦昭王召見與語大

說之拜為客卿應侯因謝病

以病辭去

請歸相印昭王強

起應侯應侯遂稱篤

篤猶甚

因免相昭王新說蔡澤計

畫遂拜為秦相

在五十一年

東收周室蔡澤相秦王數月

人或惡之懼誅乃謝病歸相印號為剛成君居

補秦



十餘年事補昭王孝文王莊襄王卒事始皇帝為秦

使於燕三年

居燕三年

而燕使太子丹入質於秦

澤傳有彪謂

周衰辯士皆矜材角智趨於利而已惟澤為近道德明哲保身之策故其得位不數月引去優游於秦以封君令終美矣非苟知之亦允蹈之澤之謂乎

孝文王

昭王子元年辛亥周亡於是六年矣

濮陽人

屬東郡

呂不韋賈於邯鄲見秦質子異人

子楚初名孝文

王子歸而謂父曰耕田之利幾倍曰十倍珠玉之贏幾

倍曰百倍立國家之主贏幾倍曰無數曰今力田疾

作不得煖衣餘食今建國立君澤可以遺世

遺猶詒世後世

願往事之

為事猶

秦子異人質於趙處於扁城

趙地缺

故

往說之曰子侯

異人異母兄

有承國之業又有母在中今

子無母於中

異人母曰夏姬無寵如無母然

外託於不可知之國

史言

趙不禮之故禍福未可知也

一日倍約身為糞土

弃死且賤也

今子聽

吾計事求歸

以求歸為事

可以有秦國吾為子使秦必來

請子乃說秦王后

孝文后華陽夫人

弟陽泉君曰君之罪至

死君知之乎君之門下無不居高尊位太子門下無

貴者

太子子僕

君之府藏珍珠寶玉君之駿馬盈外厩美

女充後庭王之春秋高

春秋舉成歲此言其年高

一日山陵崩

山陵

喻高且固崩喻死

太子用事君危於累卵而不壽於朝生

木槿

也朝榮夕死今又不如

說有可以一切

權宜也

而使君富貴千萬

歲

衍其字

寧於太山四維

四方之隅不可移也

必無危亡之患矣

陽泉君避席

離席前請

請聞其說不韋曰王年高矣王后

無子子僕有承國之業士倉又輔之王一日山陵崩

子僕立士倉用事王后之門必生蓬蒿子異人賢材

也棄在於趙無母於內引領西望而願一得歸王后  
誠請而立之是子異人無國而有國王后無子而有  
子也陽泉君曰然入說王后王后乃請趙而歸之趙  
未之遣不韋說趙曰子異人秦之寵子也無母於中  
王后欲取而子之使秦而欲屠趙不顧一子以留計

留不  
決也

是抱空質也

出質本以文好今  
不能然故曰空

若使子異人歸

而得立趙厚送遣之是不敢倍德畔施是自為德講

必以恩紀  
講好於趙

秦王老矣一日晏駕

天文志注天子當早  
作而方崩隕臣子之

心猶謂宮車晚出

雖有子異人不足以結秦趙乃遣之

不韋傳秦

圍邯鄲趙欲殺子楚子楚脫亡歸與此駁

異人至不韋使楚服而見

以王后楚

人故服楚製以說之

王后說其狀高其智曰吾楚人也而自子

之乃變其名曰楚王使子誦

誦所習書

子曰少棄捐在外

嘗無師傅所教學不習於誦王罷之乃留止

止宮中間

曰間政事之際陛下嘗軼車於趙矣

高紀五年注陛下云云軼礙車木

趙

之豪傑得知名者不少

以名見知於王

今大王反國皆西面

而望大王無一介之使以存之

昭二十八年注一箇單使也存問也問其

存  
亡 臣恐其皆有怨心使邊境早閉晚開有警則然王以為

然奇其計王后勸立之王乃召相令之曰寡人子莫

若楚立以為太子子楚立是為莊襄王以不韋為相號曰

文信侯食藍田十二縣王后為華陽太后諸侯皆致

秦邑致邑為太后養地也按此是子楚以孝文王立後不韋說使歸之不韋傳則言孝文為安國君

時歸與此駁彪謂不韋賈人也彼安能知義欲圖嬴而奪嫡立庶秦國之不亂敗者幸也以此得嬴而飲酖於蜀於是知有天道矣凡不韋所立於時皆喪身滅國之事周衰士之儉險傾邪無輩於不韋者不足算也不足算也子楚之計平平耳孝文稱為奇而立之非老悖乎

莊襄王

文王子元  
年壬子

始皇帝

莊襄王子  
元年乙卯

文信侯欲攻趙以廣河間使剛成君蔡澤事燕三年而

燕太子質於秦文信侯因請張唐

秦人

相燕張唐辭曰

燕者必徑於趙

徑者道  
所出也

趙人得唐者受百里之地文

信侯去而不快少庶子甘羅

禮庶子掌諸侯卿大夫之庶子羅茂之孫

曰

君侯何不快甚也文信侯曰吾令剛成君蔡澤事燕  
三年而燕太子已入質矣今吾自請張卿相燕而不

肯行甘羅曰臣行之文信侯

元作君

叱去曰我自行之

而不肯汝安能行之也甘羅曰夫項橐

列子有問曰出者豈其人

乎生七歲而為孔子師今臣生十二歲於茲矣君其

試臣奚以遽言叱也甘羅見張唐曰卿之功孰與武

安君唐曰武安君戰勝攻取不知其數攻城墮邑不

知其數臣之功不如武安君也甘羅曰卿明知功之

不如武安君與曰知之應侯之用秦也

見用於秦

孰與文

信侯專曰應侯不如文信侯專曰卿明知為不如文



信侯專與曰知之甘羅曰應侯欲伐趙武安君難之

去咸陽七里絞而殺之

起傳言賜劍

今文信侯自請卿相

燕而卿不肯行臣不知卿所死之處矣唐曰請因孺

子而行

因之請於文信離妻注孺子童子

令庫具車廐具馬府具幣

行有日矣甘羅謂文信侯曰借臣車五乘請為張唐

先報趙見趙王

悻

趙王郊迎謂趙王曰聞燕太子丹

之入秦與曰聞之聞張唐之相燕與曰聞之燕太子

入秦者燕不欺秦也張唐相燕者秦不欺燕也秦燕

不相欺則伐趙危矣燕秦所以不相欺者無異故欲

攻趙而廣河間也今王齎臣五城以廣河間請歸燕

太子與強趙攻弱燕趙王立割五城以廣河間歸燕

太子與

補

趙攻燕得上谷

幽州郡

三十六縣與秦什一

以十之一與

秦也羅傳有

秦王欲見頓弱

秦人

頓弱曰臣之義不叅拜王能使臣無

拜則可矣不即不見也秦王許之於是頓子曰天下

有有

補

其實而無其名者有無其實而有其名者有

無其名又無其實者王知之乎王曰弗知頓子曰有

其實而無其名者商人是也無把鉞挂耨之勢

鉞 芸苗器

耨 耨器

而有積粟之實此有其實而無其名者也無其

實而有其名者農夫是也解凍而耕暴背而耨無積

粟之實此無其實而有其名者也無其名又無其實

者王乃是也已立為萬乘無孝之名以千里養無孝

之實秦王悖然而怒

悖 艱同語色艱如也

頓弱曰山東戰國有

六威不掩於山東而掩於母

始皇母帝太后也本品不韋姬通不韋又通嫪

毒人告之王  
恕九年遷雍

臣竊為大王不取也秦王曰山東之戰

國可兼與頓子曰韓天下之咽喉魏天下之胃腹王

資臣萬金而遊

資齊同

聽之韓魏

時不通諸國故請王聽其往也

入其

社稷之臣於秦

說之使歸秦

即韓魏從而天下可圖也秦

王曰寡人之國貧恐不能給也頓子曰天下未嘗無

事也非從即橫也橫成則秦帝從成則楚王秦帝即

以天下恭養

且敬且養

楚王即王雖有萬金弗得私也秦

王曰善乃資萬金使東遊韓魏入其將相北遊

衍於字

燕趙而殺李牧

趙良將幽王七年殺之此十八年

齊入朝四國畢

元作

必從

齊魏燕趙也殺牧時已虜韓

頓子之說也

說始皇在十年還太后前此要終言

之鹿謂頓子之義高於范雎而其說過之速矣惜其不知擇木焉有仁人君子而為始皇用哉魯連視

之蔑

矣

或為六國說秦王曰土廣不足以為安人衆不足以為

強若土廣者安人衆者強則桀紂之後將存昔者趙

氏亦嘗強矣曰趙強何若

曰猶言

舉左案齊

言舉兵於左則齊下

案下也

舉右案魏厭案萬乘之國

厭言案之不

二國千乘之

宋也

宋於七國時為千乘今使齊魏如之

築剛平

趙地缺趙敬侯四年築剛平以侵衛五年

齊魏為衛取我剛平皆不注

衛無東野

詳此則剛平趙取之衛也

芻牧薪採

芻草

也以食馬牧養牛人也大者薪小者採

莫敢闕東門當是時衛危於累

卵天下之士相從謀曰吾將還其委質

還反言政事也倍二十二

年注委質屈膝也

而朝於邯鄲之君乎於是天下有稱伐邯

鄲者莫不夕

補

令朝行魏伐邯鄲

魏惠三十年伐趙趙告急齊是以有

馬陵之敗

因退為逢澤之遇

開封東北有逢池或曰宋之逢澤

乘夏車

夏取

其文禮有夏篆

稱夏王

夏中國也

一補

朝為天子天下皆從齊宣

王

元作太公太公和時無此事

聞之舉兵伐魏梁王身抱質執壁

質贄同羔

請為陳侯臣

齊陳敬仲之後故稱陳侯趙成侯二十一年魏拔邯鄲齊

亦敗魏於桂陵不至如此所稱故定為宣王馬陵之役

天下乃釋梁郢威王聞

之

郢楚都也亦避始皇父諱楚威七年伐齊敗之徐州

寢不寐食不飽帥天下

百姓以與申縛遇於泗水之上

縛齊將揚之水注中諸姜

而大敗

申縛趙人聞之至枝桑

地缺趙記注根桑一曰平桑枝即此此魏地也蓋赴魏之

難燕人聞之至格道格道不通平際絕

二地缺

齊戰敗

不勝謀則不得使陳毛釋劍擷

擷夜戒有所擊引也釋二者不自衛示卑

也  
委南聽罪

委去南  
西之尊

西說趙

說使人  
解之

北說燕內喻其

百姓而天下乃齊釋

不攻  
齊也

於是天下

補

積薄而為厚

聚少而為多以同言郢威王於側紂之間

高注紂  
當為牖

臣

豈以郢威王為政衰謀亂以至於此哉郢為強

絕

臨

天下諸侯故天下樂伐之也

四國為一

荆齊燕代  
見下文

將以攻秦秦王召羣臣賓客六十

人而問焉曰四國為一將以圖秦寡人屈於內

財力  
困也

而百姓靡於外為之奈何羣臣莫對姚賈

魏

對曰賈



願出使四國必絕其謀而案

元作安

其兵乃資車百乘

金千斤衣以其衣

以王衣衣之寵之也

舞以其劍

古者飲則以劍舞今以王

劍賜之使為舞時用

姚賈辭行絕其謀止其兵與之為交以報

秦秦王大說賈封千戶以為上卿韓非

韓之諸公子秦王見其書

恨不及見之攻韓韓遣之使秦秦王說之賈與李斯毀之死

知之曰賈以珍珠重

寶南使荆齊

元作吳此章無吳事此四國後亡者也三晉滅久矣

北使燕代之

間三年四國之交未必合也而珍珠重寶盡於內是

賈以王之權外自交於諸侯願王察之且梁監門子

監門卒也

賈其子

嘗盜於梁臣於趙而逐取世監門子

父死子繼

世曰梁之大盜趙之逐臣與同知社稷之計非所以厲

羣臣也

厲礪同礪也

王名姚賈而問曰吾聞子以寡人財

交於諸侯有諸對曰有王曰有何面目復見寡人對

曰曾參孝其親天下願以為子子胥忠於君天下願

以為臣貞女工巧

有婦功也

天下願以為妃

妃匹也

今賈忠

王而王不知也賈不歸四國尚焉之使賈不忠於君

四國之王尚焉用賈之身桀聽讒而誅其良將紂聽

元作 讒而殺其忠臣至身死國亡今王聽讒則無忠

臣矣王曰子監門子梁之大盜趙之逐臣姚賈曰太

公望齊之逐夫

婦逐之也不經見

朝歌之廢屠

朝歌屬河內賈肉不售故

曰子良之逐臣

未聞

棘津之讎不庸

後志琅邪西海太公所出又釣於棘

津今存做售同蓋嘗求售與人為庸不見用也

文王用之而王管仲其鄙人

之賈人也

五鄴為鄙蓋鄴鄙之人為賈者仲嘗與鮑叔賈

南陽之敝幽

修武南陽

也仲穎上人嘗以貧困隱此敝困幽隱也

魯之免囚

見莊二十九年

桓公用之而

霸百里奚虞之乞人傳賣以五羊之皮

奚虞臣也不見用自鬻於

秦養牲者以五  
殺羊皮鬻之

穆公相之而朝西戎文公用中山盜

而勝於城濮

僖二十八年晉文公用咎犯之謀破楚成王於城濮與此不同杜注城濮及史

注止云  
衛地

此四士者皆有詬醜大誹

詬辱醜  
恥也

天下明主

用之知其可與立功也

補

使若卞隨務光

並湯時人  
辭湯之聘

申屠狄

紂時人自沈于  
淵並見莊子

人主豈得其用哉故明主不

取其汙不聽其非察其為已用

汙者非者雖不取不  
聽知其為用則或聽

取察言  
聽取之

故可以存社稷雖有外誹者不聽雖有高世

之名無咫尺之功者

八寸  
曰咫

不賞是以羣臣莫敢以虛

願望於上

無功而願賞虛願也

秦王曰然乃


衍可字

復使姚賈而

誅韓非

高誘妄人也注此書謬妄非一處如此策以姚賈為陳賈齊策以伐燕為齊宣王初不考

其歲月賈乃與李斯同時安得見於孟子之書宣閔皆嘗伐燕而之噲之徒實閔王也誘之率意如此愚天下後世甚矣彪之校注蓋為此發憤故其所稱皆必有依據懼獲罪於後人也



戰國策卷三